

# Eksodus

## LAU ISRAEL SÊWI AIGUPTU SINŃ NAMIŃ NABUKU

Ńaê Eksodus Ńam gebe Sêwi sinŃ. SêjaliŃ Ńaê tau sa gebe ŃamiŃ samob kepeŃ IsraelnêŃ miŃ towae kapôêŃanô tageŃ gebe sêwi gamêŃ AiguptuŃa sinŃ, taŃ kêkôniŃ êsêac tôŃ têtú lau gêŃôma sêŃgôŃ naŃ.

**Buku tau ŃamiŃ gêwa tau kêkôc gêja Ńasêbu têlêac.**

1. Môkêlatu 1-18 Anôtô kêgaboac lau Ebolai su aŃga koleŃ gêŃômaŃa ma gêwê êsêac jasêô lasê Lôc Sinai.
2. Môkêlatu 19-24 Anôtô kêmoatiŃ nê poac gêdêŃ lau Israel kêkêŃ biŃsu to ŃagôliŃ gêdêŃ êsêac gebe sêsa nêŃ lêŃ to sênam gôliŃ taunŃ ma sêlic nêŃ-om sêso biŃ tau ŃalabugeŃ.
3. Môkêlatu 25-40 Lau Israel sêkwê nêŃ gamêŃ sênam sakiŃ AnôtôŃa teŃ sa ma sêjac Lômbec ŃagêŃlêlôm sakiŃŃa sa, go biŃsu Ńagêdô gêdêŃ dabuŃwaga sejop ma gêdêŃ lau Israel sêlic Anôtônê om êtôm sakiŃ dabuŃ.

Mago miŃ Ńanô tau, taŃ buku tonec gêwa sa naŃ, tonec gebe Anôtô kêgaboac nê lau su aŃga sakiŃ gêŃômaŃa ma gêbiŃ êsêac tôŃ têtú lau-m teŃ, taŃ sêkêŃ mateŃ têm to lêŃ nêŃŃa totêntac kêpa sugenŃ naŃ.

Ńamalac taŃ nê miŃ gêjam sêga aŃga buku tau naŃ Mose. Ńac tau taŃ Anôtô kêjaliŃ eŃ sa gebe êwê nê lau sêwi Aiguptu sinŃ naŃ. Mose kêtú Ńamalac tapaôŃgeŃ nêŃ Ńac towae kapôêŃ teŃ.

Buku tau nabin, tañ lau gamêñ-gamêñ samob sêñô ñawae su nan, Binసు Lemenlu, tañ sêpuc gêc mókêlatu 20 nan.

*Gêñwapac, tañ kêtap lau Israel sa anga Aiguptu nan*

<sup>1</sup> Israel latui, tañ sêja Aiguptu sêwiñ Jakob nan, nêñ ñaê tonec. Êsêac samob sêja tonêñ gôlôacgeñ. <sup>2</sup> Ruben agêc Simeon ma Lewi agêc Juda, <sup>3</sup> ma Isakar agêc Sebulon ma Benjamin, <sup>4</sup> ac to Dan agêc Naptali ma Gad agêc Aser. <sup>5</sup> (Jakobnê gôlôac samob sêpi tageñ lau 70.) Josep tau gêmoa Aiguptu kwananğeñ. <sup>6</sup> Sêmoa acgom, go Josep tau to nê lasitêwai ma nêñ gôlôac samob sêmac êndu. <sup>7</sup> Mago lau Israel nêñ wakuc sêka gôlôac lasê e têtü taêsam ñanô. Êsêac ñalêlêma atom, sesewec toñaclaigeñ e sêjam gamêñ tau auc.

<sup>8</sup> Gêdêñ tonan kın wakuc mênkêsa anga Aiguptu. Nac tau gêjam kauc Josep. <sup>9</sup> Eñ kêsôm gêdêñ nê lau gebe “Alic acgom, lau Israel têtü taêsam ñanô ma sesewec toñac lai sêlêlêc aêac sugoc. <sup>10</sup> Ajôc, danğôm nêñ gêñ tokaucgeñ gebe têtü taêsam sêlêlêc aêac atom. Embe siñ êsa, oc moae sêwiñ aêacnêñ ñacjo ma sênac siñ êndêñ aêac e sêwi aêacnêñ gamêñ siñ ma sêc sêna.” <sup>11</sup> Kêtu tonanña êsêac sêkêñ gejobwaga kômña gebe sêkônin lau Israel ña kôm ñawapac. Tec lau Israel sêkwê malac Piton to Rameses sa. Malac luagêc tonan kêtü Paraonê malac ênac kôm ñanô saña. <sup>12</sup> Lau Aiguptu sêkônin lau Israel têtü ñanôgeñ, mago êsêac têtü taêsam ñanô e sêjam gamêñ auc. Tec lau Aiguptu têtêc lau Israel ñanôgeñ. <sup>13</sup> Amboac tonan lau Aiguptu sêkac lau

Israel gebe sênam kôm kapoacwalôña. <sup>14</sup> Êsêac sejon lau Israel ña kôm ñawapacgosu. Lau Israel sêkwê andu ña poc, tañ sêmasañ ña nomku nan, to kolda ma sêjam kôm tokôm. Lau Aiguptu sêkac êsêac gebe sênam kôm samob tonañ ñai tonãoli masigen.

<sup>15</sup> Go kin Aiguptuña kêsôm biñ gêdên lau Ebolai nêñ jaomwagao. Awê tenj nê ñaê gebe Sipra ma tenj nê ñaê Pua. <sup>16</sup> Enj kêsôm gebe “Amagêc embe anam Ebolainênj lauo sa êndên têm sêkôc ñapalêña, go ajop ñapep. Awê tenj embe êkôc ñapalê ñac, nanj anac êndu. Embe êkôc awê, go andec êmoa.” <sup>17</sup> Mago jaomwagaoagêc têtêc Anôtô, tec sêgôm kin Aiguptuña nê biñ ñanô kêsa atom, agêc dedec ñapalê ñac sêmoa maten jali amboac tonanjen. <sup>18</sup> Tec kin Aiguptuña kêkalem jaomwagaoagêc ma kêsôm gêdên êsêagêc gebe “Amagêc adec ñapalê ñac sêmoa maten jali kêtú asagenña.” <sup>19</sup> Jaomwagaoagêc sêsôm gêdên Parao gebe “Ebolainênj lauo têtôm lauo Aiguptuña atom. Êsêac ôliñwalô kainj tenj. Jaomwagao sêô lasê dêdên êsêac atomjen ma sêkôc ñapalê su.” <sup>20</sup> Anôtô kêmoasinj jaomwagao ma lau Israel têtú taêsam ma sesewec tonac্লাigenj. <sup>21</sup> Jaomwagao têtêc Anôtô, tec Anôtô kêkênj gôlôac gêdên êsêac. <sup>22</sup> Go Parao kêjatu nê lau samob gebe “Ñapalê ñac samob, tañ Ebolainênj lauo sêkôc nanj, ambalinj samob sinj sêsêp bu Nil sêna, ma ñapalêogenj tec andec sêmoa.”

## 2

### *Mose têna kêkôc enj*

<sup>1</sup> Ñac tenj anja Lewinê gôlôac gêjam awê tenj. Awê tau anja Lewinê gôlôac amboac tonanj. <sup>2</sup> Awê tau

taê ma kêkôc ñapalê ñac tenj. Enj gêlic gebe ñapalê tau ñajam, tec kêsinj enj ôkwi kêtôm ajônj têlêac. <sup>3</sup>Gêdênj tanj têna kêtôm gebe êsinj enj ôkwi êtiam atom nanj, enj kêkôc katapa, tanj sêmasanj ña talu nanj, ma kepenj sib, go kêkênj ñapalê tau kêsêp ma ketoc katapa tau kêkô bu Nil ñatali ñasinj ñalêlôm. <sup>4</sup>Ñapalê luok kêkô ec jaêc saunjenj, gebe êlic gênj ondoc oc êtap ñapalê tau sa.

<sup>5</sup>Gêdênj tonanj Parao latuo mênjgêô lasê gebe êlinj bu. Ênê sakinjwagao sêsêlênj sêmoa butali. Awê tau gêlic katapa kêkô sinj ñalêlôm, go kêsakinj nê sakinjwagao tenj gebe êkôc gênj tau. <sup>6</sup>Parao latuo kêkac baob sa e gêlic ñapalê tenj. Ñapalê tau kêtanj, tec taê walô enj ma kêsôm gebe “Ebolainênj ñapalê tenj tonec.” <sup>7</sup>Tec ñapalê luok jakesôm gêdênj Parao latuo gebe “Amboac ondoc, aê najamôêc Ebolainênj lasulawê tenj gebe êkênj su ñapalê tau ênôm êtu aômña me masi.” <sup>8</sup>Parao latuo kêsôm gêdênj enj gebe “Ônamanj.” Tec ñapalê luok gêja jagêmoêc ñapalê tau têna. <sup>9</sup>Go Parao latuo kêsôm gêdênj enj gebe “Ôkôc ñapalê tonec ma ôkênj su êndênj enj êtu aêña. Aê oc jakênj ñaôli êndênj aôm êjô nêmo kôm.” Tec awê tau kêkôc ñapalê ma gêlôm enj. <sup>10</sup>Gêdênj tanj ñapalê tau kêtu kapôênj su nanj, têna kejonj enj gêdênj Parao latuo gêja. Ma enj kêkôc ñapalê tau su kêtu ênê latu ma kêsôm gebe “Aê gaê enj sa anja bu,” tec gê ênê ñaê gebe Mose.

### *Mose gêc gêja Midian*

<sup>11</sup>Mose kêtu kapôênj su ma bêc tenj enj gêja gebe êlic nê lau ma gêlic kôm ñawapac, tanj kêkôninj êsêac

tôñ nan. Ma gêlic ñac Aiguptuña tenj gêjac Ebo-  
lai tenj. Enj Mosenê launêñ tenj. <sup>12</sup> Mose mata  
geso gamêñ e gêlic tenj gêmoa atom, tec gêjac ñac  
Aiguptuña tau êndu ma kégawê ganjac ma kêsun enj.  
<sup>13</sup> Njâbêbêc Mose kêsa gêdêñ nê lau gêja kêtiam ma  
gêlic Ebolai luagêc sêjac tauñ. Ma enj kêsôm gêdêñ  
ñac, tanj gêgôm keso nan, gebe “Gôjac nêñ ñac kêtú  
asagenña.” <sup>14</sup> Mago ñac tau gêjô enj awa gebe “Asa  
kêkêñ aôm kôtu aêacma gôliñwaga to mêtôcwaga. Oc  
gobe ônac aê êndu amboac gôjac Aiguptu tau nan  
me.” Go Mose kêtakê ma taê gêjam gebe “Biñjanô,  
biñ tau ñapuc kêsa sugac.” <sup>15</sup> Gêdêñ tanj Parao gêñô  
ñawae nan, enj gêgôm gêñlêlôm gebe ênac Mose êndu.

Mago Mose gêc Parao su jagêmoa gamêñ Mid-  
ianna. Ma enj jagêñgôn bumata tenj. <sup>16</sup> Ma  
dabuñwaga Midianna nê latuio 7 sêmoa. Êsêac  
sêsa jasêkati bu jasêsêwa kêsêp suc, gebe tamenîñê  
domba sênôm. <sup>17</sup> Mago gejobwaga bôcña sêmêñ  
ma têtin êsêac su. Tec Mose gêdi jagêjam êsêac  
sa ma kêkêñ bu gêdêñ nêñ domba sênôm. <sup>18</sup> Su,  
go êsêac dêdêñ tamenî Reuel sêja, ma enj kêsôm  
gebe “Amboac ondoc, tec ocsalô tonec amu amêñ  
ñagaôgen nec.” <sup>19</sup> Êsêac sêsôm gebe “Ñac Aiguptuña  
tenj gêjam aêac sa anja gejobwaga bôcña ma kêkati  
bu gêjô aêac su jakêkêñ gêdêñ domba sênôm.” <sup>20</sup> Go  
tamenî kêsôm gêdêñ latuio gebe “Enj gêmoa ondoc.  
Adec ñac tau kêkô tônê kêtú asagenña. Amôc enj  
gebe êniñ gêñ êwiñ aêacmañ.” <sup>21</sup> Mose gêlic kêtôm  
gebe êmoa êwiñ Reuel, tec ñac tau kêkêñ latuo  
Sipora gêdêñ Mose gêjam. <sup>22</sup> Awê tau kêkôc ñapalê  
tenj, ma Mose kêsôm gebe “Aê katu ñaclenj gamoa  
gamêñ jaba.” Tec gê ênê ñaê gebe Gerson.

<sup>23</sup> Njasawa baliŋ tonanŋ gêbacnê ma kiŋ Aiguptuŋa gêmac êndu. Mago lau Israel senŋ oliŋ tauŋ kêtû nêŋ kôm ŋawapacŋa ma sêmôêc gebe Anôtô ênam êsêac sa. Ma êsêacnêŋ tanjiboa kêtû kôm ŋawapacŋa kêpi gêdêŋ Anôtô gêja. <sup>24</sup> Ma Anôtô kêkêŋ taŋa nêŋ oliŋ tau ma taê gêjam poac, taŋ kêmoatiŋ gêdêŋ Abraham agêc Isak ma Jakob. <sup>25</sup> Ma Anôtô gêlic lau Israel ma kêwaka tau sa gêdêŋ êsêac.

### 3

#### *Anôtô kêkalem Mose*

<sup>1</sup> Ma Mose gejob lawa dabuŋwaga Midiannaŋa Jetro nê domba. Enŋ gêwê domba kêsa gamêŋ sawa kêsêlêŋ ec ŋêŋgeŋ e gêô lasê Anôtônê lôc Horeb. <sup>2</sup> Ma Anôtônê anjela geoc tau lasê gêdêŋ enŋ ŋa jawaô. Ja ŋawaô tau kêsa gamêŋdani ŋalêlôm. Mose gêlic ja kêsa gamêŋdani, mago ja geŋ gamêŋdani tau su atom. <sup>3</sup> Ma Mose kêsôm gebe “Aê gabe jana najalic gêŋsêga tonec. Ja geŋ gamêŋdani su atom ŋam amboac ondoc.” <sup>4</sup> Apômtau gêlic enŋ kêdabiŋ gamêŋdani gebe êlic ŋam, tec Anôtô gêmôêc gêdêŋ enŋ anŋa gamêŋdani gebe “Mose, Mose.” Ma enŋ gêjô enŋ awa gebe “Aê tec gamoa.” <sup>5</sup> Go Anôtô kêsôm gebe “Ôtu gasuc ômôêŋ atom. Ônu nêŋ atapa su anŋa amtapa gebe gamêŋ, taŋ aôm kôkô nanŋ, nom dabuŋ.” <sup>6</sup> Ma kêsôm teŋ gêwiŋ gebe “Tamamnê Anôtô aê, ma Abrahamnê Anôtô ma Isaknê Anôtô ma Jakobnê Anôtô aêgoc.” Mose gêsanŋ laŋôanô auc gebe kêtêc tau, gebe êlic Anôtô atom.

<sup>7</sup> Go Apômtau kêsôm gebe “Aê galic ŋoc lau sêmoa jageo ŋanô anŋa Aiguptu. Aê ganô êsêac sêmôêc kêtû nêŋ gejobwaga kapoacwalôŋa sêlêsu êsêacŋa.

Binjanô, aê kajala êsêacnêñ nandan. <sup>8</sup> Aê kasêp gamêñ gebe janam êsêac kêsi anja lau Aiguptu lemeñ ma jawê êsêac sêwi gamêñ tonan siñ nasêpi gamêñ najam to kapôêñ teñ. Anja gamêñ tau tônê su to lêp keselen. Galoc lau Kanaan to Het ma Amor to Peres ma Hib to Jebus sêngôn gamêñ tau. <sup>9</sup> Aê ganô lau Israel nêñ tanj mankêsô aê tanjocsuñ ma galic lau Aiguptu sejon êsêac nanô. <sup>10</sup> Amboac tonan aê gabe jasakin aôm ôndên Parao ôna gebe ôwê ñoc lau Israel sêwi Aiguptu siñ.”

<sup>11</sup> Mago Mose kêsôm gêdên Anôtô gebe “Aê asa, tec jandên Parao jana ma jawê lau Israel sêwi Aiguptu siñ nec.” <sup>12</sup> Anôtô gêjô enj awa gebe “Aê oc jawiñ aôm. Ma gabe jakêñ nabelo tonec êndên aôm gebe ôjala, gebe aê tauc tec kasakin aôm. Nabelo tau tonec gebe Êndên tanj ôwê lau sêwi Aiguptu siñ su nan, oc anam sakin Anôtô anja lôc tonec.”

<sup>13</sup> Go Mose kêsôm gêdên Anôtô gebe “Embe jandên lau Israel jana ma jasôm êndên êsêac gebe ‘Tameminên Anôtô kêsakin aê tec gamêñ,’ ma êsêac embe têtû kênac aê gebe ‘Ênê ñaê amboac ondoc,’ oc jasôm amboac ondoc êndên êsêac.” <sup>14</sup> Go Anôtô kêsôm gêdên Mose gebe “Aêñoc ñaê gebe Aê-Gamoa-Amboac-Gamoa.” Ma Anôtô kêsôm teñ gêwiñ gebe “Ôsôm biñ tonec êndên lau Israel gebe ‘Aê-Gamoa kêsakin aê’ tec gadên amac gamêñ.” <sup>15</sup> Ma Anôtô kêsôm gêdên Mose gêwiñ gebe “Ôsôm êndên lau Israel gebe ‘Apômtau, amac tameminên Anôtô, Abrahamnê Anôtô ma Isaknê Anôtô ma Jakobnê Anôtô kêsakin aê gadên amac gamêñ.’ Ñaê tonec kêtû ñoc ñaê teñgeñ ma teñgeñña ma gôlôac to gôlôac wakuc samob awenj ênac aê ña ñaê tonecgeñ. <sup>16</sup> Ôna ma

ôkalem lau Israel nêḡ laumata sa sêpi tagen, go ôsôm êndênḡ êsêac gebe ‘Apômtau, amac tameminênḡ Anôtô, geoc tau lasê gêdênḡ aê. En Abraham agêc Isak ma Jakob nêḡ Anôtô. Ma enḡ kêsôm gêdênḡ aê gebe “Aê gajac amac kêsi ma galic gêḡ samob, taḡ lau Aiguptu sêgôm gêdênḡ amac naḡ. <sup>17</sup> Tec aê taêc gêjam kêtú tônḡ gebe jawê amac awi gêḡwapac Aiguptuḡa siḡ ma aô lasê lau Kanaan to lau Het ma Amor to Peres ma Hib to Jebus nêḡ gamêḡ. Anḡa gamêḡ tônê su to lêp keselen.” ’ <sup>18</sup> Lau Israel nêḡ laumata oc sêkêḡ taḡenḡ nêḡm biḡ ma sêwiḡ aôm andênḡ kiḡ Aiguptuḡa ana ma asôm êndênḡ enḡ gebe ‘Apômtau, Ebolainênḡ Anôtô, mênḡgêjam biḡgalôm gêwiḡ aêac, tec galoc atenḡ aôm gebe ôwi aêac siḡ gebe asêlêḡ bêc têlêac asa gamêḡ sawa ana ma akêḡ da êndênḡ aêacma Apômtau Anôtô.’ <sup>19</sup> Aê ka-jalagac gebe kiḡ Aiguptuḡa oc êwi amac siḡ atom e ḡaclai teḡ êkac enḡ acgom. <sup>20</sup> Amboac tonanḡ aê oc jamêtôc lemoc to janac Aiguptu ḡa gêḡtalô tokainḡ-tokainḡ anḡa gamêḡ tau. Gêḡtalô tau êmbacnê acgom, go êwi amac siḡ ana. <sup>21</sup> Aê janḡôm lau Aiguptu sêlic lau Israel ḡajam ma embe ana, go ana tolemem sawagenḡ atom. <sup>22</sup> Amacnêḡm lauoc samob êndênḡ-êndênḡenḡ tetenḡ nêḡ lauoc sackapoac gêdênḡ tauḡḡa to lauoc, taḡ sênḡônḡ andu tagenḡ sêwiḡ tauḡ naḡ, gebe sêkêḡ gêlônḡ silber to goldḡa ma ḡakwê êndênḡ êsêac. Ma amac akêḡ nêḡm latômio to ḡac sêsô to sênônḡ gêḡ tau. Amboac tonanḡ ajanḡo gêḡ su anḡa lau Aiguptuḡa.”

#### 4

<sup>1</sup> Go Mose gêjô enḡ awa gebe “Mago lau Israel embe sêkêḡ êwiḡ aê atom to sêkêḡ taḡenḡ ḡoc biḡ



atom ma sêsôm êndêḡ aê gebe ‘Apômtau geoc tau lasê gêdêḡ aôm atom,’ go jaḡgôm amboac ondoc.”<sup>2</sup> Apômtau kêtḡ kênac eḡ gebe “Aôm lêmam kômêgôm asageḡ.” Ma Mose gêḡ eḡ awa gebe “Kamêgôm tôc.”<sup>3</sup> Go Apômtau kêsôm gebe “Ômbaliḡ naênêc nom.” Ma Mose kêbaliḡ tôc jagêc nom e kêtḡ moac. Ma kêtakê e gênu tau su.<sup>4</sup> Mago Apômtau kêsôm gêdêḡ Mose gebe “Ômêtôc lêmam ma ômêḡgôm moac ḡalêḡuc.” Tec eḡ kêmêtôc lêma ma kêmêgôm moac tôḡ jakêtu tôc kêtiam kêsêp eḡ lêma.<sup>5</sup> Ma Apômtau kêsôm gebe “Ôḡgôm amboac tonage e sêkêḡ êwiḡ gebe Apômtau eḡ êsêac tameninêḡ Anôtô. Eḡ Abrahamnê Anôtô ma Isaknê Anôtô ma Jakobnê Anôtô geoc tau lasê gêdêḡ aôm.”

<sup>6</sup> Go Apômtau kêsôm biḡ ḡagêdô gêdêḡ eḡ gebe “Ônsêmuḡ lêmam êsô nêḡ ḡakwê.” Eḡ kêsêmuḡ lêma kêsô ma gêdêḡ taḡ kêtaiḡ sa kêtiam naḡ, gêlic gebe kamocbôm gêḡjac têc lêma auc e kêtḡ sêp kêtôm labi.

<sup>7</sup> Go Apômtau kêsôm gebe “Ônsêmuḡ lêmam êmu êsô nêḡ ḡakwê êtiam.” Tec Mose kêsêmuḡ lêma gêmu kêsô nê ḡakwê kêtiam, Ma gêdêḡ taḡ kêtaiḡ sa kêtiam naḡ, gêlic gebe ḡajam kêsa kêtôm ôli ḡagêdô.<sup>8</sup> Ma Anôtô kêsôm gebe “Êsêac embe sêkêḡ êwiḡ aôm atom ma gêḡtalô ḡamataḡa embe ênam êsêac ôkwi atom, go sêkêḡ êwiḡ gêḡtalô êtu luagêcḡa.<sup>9</sup> Ma êsêac embe sêkêḡ êwiḡ gêḡtalô luagêc tonage to sêkêḡ taḡeḡ nêḡ biḡ atom, go ôkati bu aḡga bu Nil ma mêḡôkêc êsêp nom, go bu, taḡ ôkati aḡga bu Nil naḡ, oc êtu dec ênêc nom.”

<sup>10</sup> Mago Mose kêsôm gêdêḡ Apômtau gebe “Oe, ḡoc Apômtau, aê aoc sob atom. Gêmuḡgeḡ aê

gamo a amboac tonaŋ ma galoc kôsôm biŋ gêdêŋ aê, taŋ katu nê m sakiŋwaga naŋ, mago aoc sob kêsa atom amboac tonanŋ. Aê kasôm biŋ malô-malô to imbeloc ŋawapac sec.” <sup>11</sup> Go Apômtau kêsôm gêdêŋ eŋ gebe “Asa kêkêŋ ŋamalac awasuŋ. Asa kêkêŋ eŋ awamê me taŋasuŋbic me gêlic gamêŋ me matapec. Aê Apômtau kakêŋ atom me. <sup>12</sup> Amboac tonaŋ ôna ma aê jawiŋ aôm to janam aôm awam sa ma jandôn biŋ ôsômŋa êndêŋ aôm.” <sup>13</sup> Mago Mose kêsôm gebe “O Apômtau, aê jateŋ aôm gebe ôsakiŋ lau teŋ.”

<sup>14</sup> Go Apômtau têtac ŋandaŋ kêsa gêdêŋ Mose ma kêsôm gebe “Têwam Aron aŋga Lewinê gôlôac gêmoa atom me. Aê kajala eŋ awa sob. Ôlic acgom, eŋ gêdi kêpuc aôm tôŋtôn gêmêŋ. Eŋ embe êlic aôm, oc têtac ŋjam êsa ŋanô. <sup>15</sup> Amboac tonaŋ ônam biŋgalôm êndêŋ eŋ ma ôwa nê m biŋ sa êndêŋ eŋ gebe êsôm lasê. Ma aê gabe jawiŋ amagêc to janam amagêc aweŋ sa ma jandôn gêŋ ôŋgômŋa êndêŋ aôm. <sup>16</sup> Eŋ êjô aôm su êsôm biŋ êndêŋ lau ma êtu aôm awam. Ma eŋ êlic aôm amboac Anôtô. <sup>17</sup> Ma aôm ômêŋgôm tôc tonec gebe ôŋgôm gêŋtalôŋa.”

### *Mose gêmu gêja Aiguptu*

<sup>18</sup> Ma Mose gêmu gêdêŋ lawa Jetro gêja jakêsôm gêdêŋ eŋ gebe “Aê jateŋ aôm gebe ôlôc sa ma aê jamu jandêŋ ŋoc lau jana Aiguptu najalic êsêac sêmoa mateŋ jali me masi.” Ma Jetro kêsôm gêdêŋ Mose gebe “Ôêc tobiŋmalôgeŋ ôna.” <sup>19</sup> Ma Apômtau kêsôm gêdêŋ Mose aŋga Midian gebe “Ômu ôna Aiguptu gebe lau samob, taŋ sebe senseŋ aôm naŋ, sêmac êndu su.” <sup>20</sup> Amboac tonaŋ Mose kêkôc nê

awê to latu ma kêkêñ êsêagêc sêngôn donki ten ñaô ma gêja gamêñ Aiguptuña. Ma en kêmeğôm Anôtônê tóc.

<sup>21</sup> Ma Apômtau kêsôm gêdêñ Mose gebe “Ôlic acgom, aôm embe ô lasê Aiguptu, go ôngôm gêntalô samob, tañ kakêñ ñaclai gêdêñ aôm gebe ôngômña nan, ôkô Parao lanônêmña. Mago aê oc janğôm ênê ñalêlôm ñadani êsa, gebe êwi lau siñ atom. <sup>22</sup> Go aôm ôsôm êndêñ Parao gebe ‘Apômtaunê biñ tau tonec gebe Ñoc latuc ñacsêga tau Israel, <sup>23</sup> ma aê jasôm êndêñ aôm gebe “Ôwi latuc siñ gebe naênam sakiñ aê.” Ôlic acgom, embe ondec ma ôwi en siñ atom, go jansen aôm latôm ñacsêga su.’ ”

<sup>24</sup> Êsêac sêsêlêñ sêmoa intêna e sêô lasê gamêñ sênêc bêcña ten. Ma Apômtau gêdac Mose anğa tônê ma kêsaê gebe ênac en êndu. <sup>25</sup> Go Sipora kêkôc bôjan poc ñagaôgen ma kêsa latu utiôlic jakêmoasac Mosenê lambi ña ñaôlic tau tonan ma kêsôm gebe “Biñnanô, aôm kôtu ñoc ñac-gebe-ênam-awêwaga todec.” <sup>26</sup> Go Apômtau gêwi en siñ gêmoa mata jali. Gêdêñ tonan awê tau kêlêwiñ biñ sêsa launğa gebe “Ñac-gebe-ênam-awêwaga todec.”

<sup>27</sup> Apômtau kêsôm gêdêñ Aron gebe “Ôpuc Mose têtôtôn ôsa gamêñ sawa ôna.” Tec en gêja ma gêdac Mose anğa Anôtônê lôc ma kêlêsoñ en alianô. <sup>28</sup> Go Mose gêjac miñ biñ samob, tañ Apômtau kêsôm gêdêñ tañ kêsakiñ en nan, to gêntalô samob, tañ Apômtau kêjatu en gebe êngômña. <sup>29</sup> Go Mose agêc Aron sêja ma sêkalem lau Israel nêñ laumata samob sa sêpi tagen. <sup>30</sup> Ma Aron kêsôm biñ samob, tañ Apômtau kêsôm gêdêñ Mose nan, ma gêğôm gêntalô lau sêlic. <sup>31</sup> Ma lau tau sêkêñ gêwiñ. Gêdêñ

tañ sêñô ñawae gebe Apômtau kêtü ñaclen lau Israel ma gêlic êsêacnêñ gêñwapac nañ, êsêac sewec ma teten mec.

## 5

### *Mose agêc Aron sêkô Parao lanônêmña*

<sup>1</sup> Tôñê su, go Mose agêc Aron dêdêñ Parao sêja ma sêsôm gebe “Apômtau, Israelnêñ Anôtô, nê bin tonec gebe ‘Ôwi ñoc lau siñ gebe sêlic nêñ om ten anga gamêñ sawa êtu tetoc aê saña.’ ” <sup>2</sup> Mago Parao gêjô êsêagêc awen gebe “Apômtau tau asa, tec jakêñ tañoc en ma jawi Israel siñ. Aê gajam kauc Apômtau tonan, ma aê gadec gebe jawi Israel siñ.” <sup>3</sup> Go êsêagêc sêsôm gebe “Ebolainêñ Anôtô gêjam binjalôm gêwiñ aêagêc, tec aterñ aôm gebe ôwi aêac siñ. Aêac asa gamêñ sawa ana asêlêñ bêc têlêacgen ma akêñ da êndêñ Apômtau, aêacma Anôtô. Embe masi, oc êsêp êndêñ aêac êmêñ ña kole to siñ.” <sup>4</sup> Mago Parao kêsôm gêdêñ êsêagêc gebe “Mose agêc Aron, amagêc abe akôc lau su anga nêñ kôm kêtü asagenña. Aec su andêñ nêñ koleñ ana.” <sup>5</sup> Ma Parao kêsôm ten gebe “Agêc alic acgom, galoc lau tau têtü taêsam su, ma amagêc abe akô êsêac auc anga nêñ kôm ma akêñ êsêac sêlêwan taun.” <sup>6</sup> Gêdêñ bêc tonanñen Parao kêjatu lausêlêsuwaga to gejobwaga gebe <sup>7</sup> “Akêñ oba êndêñ lau amboac agôm nañ, êtiam atom. Êsêac taun nasejon oba gebe sêmasan nomku têkê-têkê. <sup>8</sup> Mago nomku têkê-têkê ñanamba, tañ sêmasan kêtôm bêcgen nañ, êkôgen, êtu saun atom, gebe êsêac ojomtêna, tec sêmôêc gebe ‘Ôwi aêac siñ gebe akêñ da êndêñ aêacma Anôtô.’ <sup>9</sup> Akêñ kôm ñawapac êkônin lau

tonañ e ênam êsêac auc ma têtap nêñ ñasawa sêkêñ tanêñ biñ agwa-agwaña sa atom.”

<sup>10</sup> Amboac tonañ lau-sêlêsuwaga to launêñ gejobwaga sêsa sêja ma sêjac miñ gêdêñ lau gebe “Parao kêsôm biñ tonec gebe ‘Aê jakêñ oba êndêñ amac êtiam atom. <sup>11</sup> Galoc amac taôm naajon oba aña gamêñ, tañ atap oba saña nañ. Mago nomku têkê-têkê, tañ amac oc amansañ nañ, ñanamba êtu sauñ atom, êtôm namba langwa.’” <sup>12</sup> Amboac tonañ lau sêsêlêñ sêjam gamêñ Aiguptu samucgeñ auc, gebe sejon oba êtu sêmansañ nomku têkê-têkêña. <sup>13</sup> Lausêlêsuwaga sêkac êsêac ma sêsôm gebe “Anam nêñ kôm êtôm bêcgeñña e atap nomku têkê-têkê ñanamba sa êtôm namba, tañ atap sa gêdêñ têm sêkêñ oba gêdêñ amacña nañ.” <sup>14</sup> Paraonê lausêlêsuwaga sêjac launêñ gejobwaga, tañ êsêac sêjaliñ sa gebe sejop taun nêñ lau nañ, ma têtù kênac êsêac gebe “Gêdêñ ocsalô tonec amac atap kôm ñanô sa kêtôm gêmunña atom, nec ñam amboac ondoc.”

<sup>15</sup> Go lau Israel nêñ gejobwaga dêdêñ Parao sêja ma têtat gebe “Amboac ondoc aôm gôgôm aêac, tañ atu nêñ sakiñwaga nañ, amboac tonañ. <sup>16</sup> Êsêac sêkêñ oba teñ gêdêñ nêñ sakiñwaga atom, mago sêjatu gebe ‘Amansañ nomku têkê-têkê.’ Ma galoc ôlic, êsêac sêjac nêñ sakiñwaga gêwiñ. Nakeso gêc aôm taôm nêñ launageñ.” <sup>17</sup> Mago eñ kêsôm gebe “Amac ojomtêna, amac ojomtêna. Kêtu tonañña amac asôm gebe ‘Ôwi aêac siñ gebe akêñ da êndêñ Apômtau.’” <sup>18</sup> Aêc su, anam nêñ kôm. Ac sêkêñ oba êndêñ amac atom, mago amac amansañ nomku têkê-têkê ñanamba êtôm gêmunña.” <sup>19</sup> Lau Israel

nêḡ gejobwaga sêmoa jageo ḡanô kêtḡ jatu tonecḡa gebe “Ajop taôm, gebe nomku têkê-têkê ḡanamba êtôm bêcḡeḡḡa êtu sauḡ atom.” <sup>20</sup> Gejobwaga sêsa aḡa Paraonê andu sêja ma têtap Mose agêc Aron sa. Êsêagêc sêoḡ êsêac sêmoa. <sup>21</sup> Ma gejobwaga sêsôm gêdêḡ êsêagêc gebe “Apômtau mata é amagêc e êmêtôc amagêc, gebe amagêc agôm Parao to nê lau têtac gedec aêac ma akêḡ siḡ kêsêp êsêac lemeḡ, gebe sênac aêac êndu.”

### *Mosenê mec*

<sup>22</sup> Go Mose kêkac tau ôkwi kêtiam gêmu gêdêḡ Apômtau gêja ma kêsôm gebe “O Apômtau, amboac ondóc tec gôgôm lau tonec sec. Aôm kôsakiḡ aê gamêḡ kêtḡ asageḡḡa. <sup>23</sup> Aê kasô gadêḡ Parao gaja ma kasôm biḡ gajam aôm laḡôm, mago eḡ gêḡô e gêgôm lau tonec sec, ma aôm tec gôjam nêḡ lau kêsî atomanô.”

## 6

<sup>1</sup> Mago Apômtau kêsôm gêdêḡ Mose gebe “Galloc aôm oc ôlic gêḡ, taḡ aê gabe jaḡgôm êndêḡ Parao naḡ. Eḡ oc êkac êsêac toḡaclaigeḡ gebe sêwi gamêḡ siḡ, ma êjanda êsêac toḡaclaigeḡ gebe sêwi ênê gamêḡ siḡ.”

### *Anôtô kêkalem Mose ḡakôniḡḡa*

<sup>2</sup> Ma Anôtô kêsôm gêdêḡ Mose gebe “Aê Apômtau. <sup>3</sup> Aê gaoc tauc lasê gêdêḡ Abraham agêc Isak ma Jakob gebe ḡaniniḡ ḡatau aê, mago aê kawaka tauc sa gêdêḡ êsêac ḡa ḡoc ḡaê Aê-Gamoa-Amboac-Gamoa nec atom. <sup>4</sup> Aê kamoatiḡ poac gêdêḡ êsêac gebe jakêḡ gamêḡ Kanaan êndêḡ êsêac. Gamêḡ tau, taḡ êsêac sêmoa têtôm lau jabageḡ naḡ. <sup>5</sup> Ma

aê ganô lau Israel, tañ lau Aiguptu sêlêsü êsêac ña kôm ñawapac nañ, nêñ tañiboa ma taêc gêjam ñoc poac. <sup>6</sup> Kêtu tonañña ôsôm êndênj lau Israel gebe 'Aê Apômtau tau. Aê gabe jaê amac sa ança Aiguptunênj kôm ñawapac, tañ kékônij amac nañ, to jañgamboac amac su ança êsêacnênj sakiñ gênômaña ma jamêtôc lemoc gebe janam amac sa to jañgôm gênjsêga gebe jamêtôc êsêac. <sup>7</sup> Aê gabe jakôc amac sa atu ñoc lau ma gabe jatu nêñ Anôtô. Amac ajalamañ gebe aê Apômtau, amacnêñ Anôtô, tañ gaê amac sa ança Aiguptunênj kôm ñawapac. <sup>8</sup> Aê gabe jawê amac aô lasê gamênj, tañ katôc lemoc gebe jakênj êndênj Abraham agêc Isak ma Jakob. Aê gabe jakênj gamênj tau êndênj amac êtu amacnêñ nom. Aê Apômtau oc jañgôm.' " <sup>9</sup> Mose kêsôm binj tonañ gêdênj lau Israel, mago êsêac sêkênj tañej Mosenê binj atom, gebe nêñ ñalêlôm popoc ma kôm tau ñawapacosu.

<sup>10</sup> Ma Apômtau kêsôm gêdênj Mose gebe <sup>11</sup> "Ôsô naôsôm êndênj Aiguptunênj kinj Parao gebe êlôc ma lau Israel sêwi ênê gamênj sinj." <sup>12</sup> Mago Mose kêsôm gêdênj Apômtau gebe "Ôlic acgom, lau Israel sêkênj tañej ñoc binj atom, ma Parao oc êkênj taña aê, tañ aocsuñ ñawapac nañ, amboac ondoc." <sup>13</sup> Go Apômtau gêjam binjalôm gêwiñ Mose agêc Aron ma kêjatu êsêagêc gebe sêsôm êndênj lau Israel to êndênj Aiguptunênj kinj Parao gebe agêc awê lau Israel sêwi gamênj Aiguptunja sinj.

6:14-27 Ñamadinj tonec kêkip Mose agêc Aron nêñ ñam sa. Êsêagêc sêsa ança Lewinê gôlôac. Aronnê wakuc ñagêdô nêñ ñaê kêsêp ñamadinj tonec gêwiñ.

*Anôtônê Jatu gêdênj Mose agêc Aron*

<sup>28</sup> Gêdêḡ bêc, taḡ Apômtau kêsôm biḡ gêdêḡ Mose aḡga gamêḡ Aiguptuḡa naḡ, <sup>29</sup> Apômtau kêsôm gêdêḡ Mose gebe “Aê Apômtau tau. Ôsôm biḡ samob, taḡ aê jasôm êndêḡ aôm naḡ êndêḡ Aiguptunêḡ kiḡ Parao.” <sup>30</sup> Mago Mose kêsôm gêdêḡ Apômtau gebe “Ôlic acgom, aê aocsuḡ ḡawapac, tec Parao oc êkêḡ taḡa aê amboac ondoc.”

## 7

<sup>1</sup> Ma Apômtau kêsôm gêdêḡ Mose gebe “Ôlic acgom, aê jakêḡ aôm ôtu Paraonê anôtô ma têwam Aron êtu nêḡ propete. <sup>2</sup> Aôm ôsôm biḡ samob, taḡ aê jajatu naḡ, êndêḡ Aron, ma eḡ êsôm êndêḡ Parao, gebe êlôc gebe lau Israel sêwi ênê gamêḡ siḡ sêc sêna. <sup>3</sup> Mago aê gabe jaḡgôm Paraonê ḡalêlôm ḡadani êsa. Aê oc jaḡgôm gêḡtalô to gêḡsêga taêsam aḡga gamêḡ Aiguptuḡa, <sup>4</sup> tageḡ Parao oc êkêḡ taḡa amagêcnêḡ biḡ atom. Go aê lemoc êpi Aiguptu ma ḡoc toḡ, ḡoc lau Israel tau tonḡ, sêwi gamêḡ Aiguptuḡa siḡ, ma jaḡgôm gêḡsêga gebe jamêtôc lau Aiguptu. <sup>5</sup> Aê embe jamêtôc lemoc gebe janac Aiguptu ma jawê lau Israel sa aḡga êsêac ḡalêlôm, go lau Aiguptu sêjala gebe aê Apômtau.” <sup>6</sup> Ma Mose agêc Aron taḡeḡ wamu ma sêgôm biḡ kêtôm Apômtau kêjatu êsêagêc. <sup>7</sup> Gêdêḡ taḡ sêsôm biḡ gêdêḡ Parao naḡ, Mosenê jala kêtû 80 ma Aronnê kêtû 83.

### *Aronnê tôc*

<sup>8</sup> Ma Apômtau kêsôm gêdêḡ Mose agêc Aron gebe <sup>9</sup> “Parao embe êsôm êndêḡ amagêc gebe ‘Awaka taôm sa ḡa gêḡtalô teḡ,’ go ôsôm êndêḡ Aron gebe ‘Ôkôc nêḡ tôc ma ômbaliḡ naênêc Parao laḡônêḡḡa



gebe êtu moac.’ ” <sup>10</sup> Amboac tonañ Mose agêc Aron dâdêñ Parao sêja ma sêgôm kêtôm Apômtau kêjatu êsêagêc. Aron kêbaliñ nê tôc jagêc Parao to nê sakiñwaga lañôñnêmña e tôc tau kêtû moac. <sup>11</sup> Go Parao kêkalem lau tokauc ma lau mectomañña, ma Aiguptunêñ lau mectomañña tonañ nêñ ñaclai kainñ tenñ, tec sêgôm gêñtalô tônê amboac tonañgenñ. <sup>12</sup> Êsêac samob gêdêñ-gêdêñgenñ sêbaliñ nêñ tôc jagêc nom e kêtû moac. Mago Aronnê tôc kêdañgôn êsêacnêñ tôc samob su. <sup>13</sup> Mago Paraonê ñalêlôm ñadani ñapanñ, tec kêkêñ taña êsêagêcnêñ biñ atom, kêtôm Apômtau kêsôm lasê kwanañgenñ.

*Bu kêtû dec ñagêñwapac*

<sup>14</sup> Go Apômtau kêsôm gêdêñ Mose gebe “Paraonê ñalêlôm ñadani kêsagac, eñ gedec gebe êwi lau siñ. <sup>15</sup> Bêbêcgenñ Parao êsa bu êna, go aôm ôndêñ eñ ôna ma ônsaê eñ ôkô butali. Ômêñgôm tôc, tañ gêjam tau ôkwi kêtû moac nañ. <sup>16</sup> Go ôsôm êndêñ eñ gebe ‘Apômtau, Ebolainêñ Anôtô, kêsakiñ aê gadêñ aôm gamêñ. Eñ kêsôm gebe “Ôwi ñoc lau siñ sêna, gebe sênam sakiñ aê anga gamêñ sawa, mago ôlic acgom, aôm tañam wamu atom tagenñ.” <sup>17</sup> Apômtau kêsôm tenñ amboac tonec gebe “Ôlic acgom, aê janac bu, tañ kêpoac bu Nil nañ, ña tôc, tañ kamêgôm nañ, ma bu ênam tau ôkwi êtu dec. Biñ tau êwaka aê sa e ôjala gebe aê Apômtau. <sup>18</sup> Ma i anga Nil oc sêmac êndu ma bu Nil tau ñabu ñasu êsa ma lau Aiguptu oc sendec bu ma sênôm atom.” ’ ” <sup>19</sup> Ma Apômtau kêsôm gêdêñ Mose gebe “Ôsôm êndêñ Aron gebe ‘Ôkôc nêñ tôc ma ômêtôc lêmam êndêñ bu Aiguptuña samob, êndêñ bu, tañ keselenñ

nañ, to êndêñ busawa ma bu ñatonñ to bu saboac, gebe bu samob ênam tau ôkwi êtu dec ança gamêñ Aiguptuñja samucgeñ. Bu êtu dec ança suc to kupoc amboac tonanğeñ.’ ”

<sup>20</sup> Mose agêc Aron sêgôm kêtôm Apômtau kêjatu. Aron gêoc tôc sa ma gi bu, tañ kêpoac bu Nil nañ, Parao to nê sakiñwaga samob sêlic. Ma bu samob, tañ kêpoac bu Nil nañ, gêjam tau ôkwi kêtü dec. <sup>21</sup> Ma i, tañ sêmoa bu Nil nañ, sêmac êndu, ma bu Nil ñasu kêsa e lau Aiguptu têtôm gebe sênôm bu ança bu Nil êtiam atom. Dec gêjam gamêñ Aiguptuñja samucgeñ auc. <sup>22</sup> Mago lau mectomañ Aiguptuñja sêgôm gêñ tônê amboac tonanğeñ ña nêñ ñaclai kainñ teñ. Amboac tonañ Paraoñê ñalêlôm ñadani gedeneñ töngeñ ma eñ kêkêñ tañja êsêagêcnêñ biñ atom kêtôm Apômtau kêsôm kwananğeñ. <sup>23</sup> Parao kêkac tau ôkwi kêsô nê andu gêja ma biñ tonañ gêgôm nê ñalêlôm ñawapac kêsa atom. <sup>24</sup> Ma lau Aiguptu samob sêgawê bu sênômñja sêmoa bu Nil ñatali, gebe êsêac têtôm gebe sênôm bu Nil atom. <sup>25</sup> Apômtau gi bu Nil ma gêñwapac tau gêc bêc 7.

## 8

### *Ôpoac ñagêñwapac*

<sup>1</sup> Go Apômtau kêsôm gêdêñ Mose gebe “Ôsô ôndêñ Parao ôna ma ôsôm êndêñ eñ gebe ‘Apômtaunê biñ tau tonec gebe “Ôwi ñoc lau siñ, gebe nasênam sakiñ aê. <sup>2</sup> Mago embe ondec ma ôwi êsêac siñ atom, go jakêñ ôpoac sêlênsônñ nêñ gamêñ samucgeñ. <sup>3</sup> Ôpoac sênam bu Nil auc. Êsêac sêpi nêñ andu ma sêsô nêñ balêñ bêcñja ma sêñêc nêñ

mê. Êsêac sêpi nê m sakinwaga to nê m lau samob nê n andu. Êsêac sêsô nê m ki apac polomnja njalêlôm to sênêc nê m suc angalu n polomnja. <sup>4</sup> Ôpoac oc sê ngalab sêpi aôm to sêpi nê m lau ma nê m sakinwaga samob.” ’ ” <sup>5</sup> Ma Apômtau kêsôm gêdê n Mose gebe “Ôsôm êndê n Aron gebe ‘Ômêtôc lê mam to nê m tôc êndê n bu to busawa ma bu natonj ma ôkê n ôpoac sê nam gamê n Aiguptu n auc.’ ” <sup>6</sup> Amboac tonan Aron kê mêtôc lê ma gêdê n Aiguptu nabu samob ma ôpoac sêpi e sê jam gamê n Aiguptu n auc. <sup>7</sup> Mago lau mectoman n sê gôm gê n tône n nê n naci lai kainj tenj ma sêkê n ôpoac sêpi gamê n Aiguptu n sê mên amboac tonan n.

<sup>8</sup> Go Parao kêkalem Mose agêc Aron ma kêsôm gebe “Ate n Apômtau gebe êkôc ôpoac su anja aê to njoc lau ma jawi lau sinj nasêkê n da êndê n Apômtau.” <sup>9</sup> Mose kêsôm gêdê n Parao gebe “Aê jate n aôm gebe taôm ôsam bêc ôpoac sêwi aôm to nê m andu samob sin nja, go jate n êtu aôm to nê m sakinwaga ma nê m launja. Ma ôpoac oc sê moa bu Nil tagenj.” <sup>10</sup> Ma Parao kêsôm gebe “Elen nja.” Mose kêsôm gebe “Binj, tanj aôm kôsôm nanj, oc nanô êsa, ec ôjala gebe njac tenj kêtôm Apômtau, aêacma Anôtô, gê moa atom-anô. <sup>11</sup> Ôpoac oc sêwi aôm to nê m andu ma nê m sakinwaga to nê m lau samob sinj. Êsêac oc sê moa bu Nil tagenj.” <sup>12</sup> Go Mose agêc Aron sêwi Parao sinj, ma Mose awa gêjac Apômtau kêtu ôpoac nja, kêtôm tanj enj kêmasanj binj gêwinj Parao nanj. <sup>13</sup> Ma Apômtau gêgôm kêtôm Mosenê binj. Ôpoac sê mac êndu anja andu to malaclu n ma kôm. <sup>14</sup> Ma êsêac sê boa ôpoac sa totonj-totonj e njasu kêpônj popoc gê jam gamê n

samucgen auc. <sup>15</sup> Mago gêdêñ tañ Parao kêsaê gebe gêñwapac kêlêwan en nan, en gêgôm nê ñalêlôm ñadani kêsa e kêkêñ taña êsêagêcnêñ biñ atom kêtôm Apômtau kêsôm kwananjen.

### *Kawan ñagêñwapac*

<sup>16</sup> Go Apômtau kêsôm gêdêñ Mose gebe “Ôsôm êndêñ Aron gebe ‘Ômêtôc nêma tôte ma ôi nom ñakekop e êtu kawan ênam gamêñ Aiguptuña samucgen auc.’” <sup>17</sup> Ma êsêagêc sêgôm amboac tonan. Aron kêmetôtê lêma tonê tôte ma gi nom ñakekop, ma kawan kêpi e gêñac ñamalac to bôc. Nom ñakekop samucgen kêtu kawan gêjam gamêñ Aiguptuña auc samucgen. <sup>18</sup> Lau mectomanña sêsaê gebe sêkêñ kawan amboac tonan ña nêñ ñaclai kain ten, mago sêgôm têtôm atom. Amboac tonan kawan gêñac têtê ñamalac to bôc auc. <sup>19</sup> Ma lau mectomanña sêsôm gêdêñ Parao gebe “Anôtônê lêma ñakôm tonec.” Mago Paraonê ñalêlôm ñadani kêsa e kêkêñ taña êsêagêcnêñ biñ atom kêtôm Apômtau kêsôm kwananjen.

### *Danğuc ñagêñwapac*

<sup>20</sup> Go Apômtau kêsôm gêdêñ Mose gebe “Ôndi sa êndêñ bêbêc kanucgen ma ônsaê Parao êsa bu êna, go êsôm êndêñ en gebe ‘Apômtaunê biñ tau tonec gebe “Ôwi ñoc lau siñ, gebe nasênam sakinj aê. <sup>21</sup> Ôlic acgom, embe ôwi ñoc lau siñ atom, go jasakiñ danğuc êpi aôm to nêma sakinjwaga ma nêma lau ma êsô nêma andu amboac tonan. Ma danğuc tolêsôb-tolêsôb ênam lau Aiguptu nêñ andu auc ma ênac têtê nom, tañ ñamalac sêmoa nan, auc amboac tonanjen. <sup>22</sup> Êndêñ bêc tonan aê janğôm

gamêḅ Gosen amboac teḅ. ḅoc lau sêmoa gamêḅ tonan, tec danḅuc teḅ êmoa atom e ôjala gebe aê Apômtau gamoa gamêḅ tau ḅalêlôm. <sup>23</sup> Amboac tonan aê jawa ḅoc lau to nêḅ lau êkôc. Biḅ tonan êsa êndêḅ elenḅa.” ’ ’ <sup>24</sup> Ma Apômtau gêgôm biḅ tonan ḅanô kêsa. Danḅuc tolêsôb-tolêsôb kêsô Parao to nê sakiḅwaga nêḅ andu. Ma gamêḅ Aiguptuḅa samucḅeḅ kêtap danḅuc ḅagêḅwapac sa.

<sup>25</sup> Go Parao kêkalem Mose agêc Aron ma kêsôm gebe “Ajôc, akêḅ da êndêḅ nêḅ Anôtô anḅa gamêḅ tonec.” <sup>26</sup> Mago Mose kêsôm gebe “Biḅ amboac tonan oc êtôm atom, gebe gêḅ, taḅ aêac oc akêḅ êtu da êndêḅ Apômtau, aêacma Anôtô, nan, lau Aiguptu sêlic amboac gêḅ alôb-alôb. Ma aêac embe akêḅ gêḅ, taḅ lau Aiguptu sêlic amboac gêḅ alôb-alôb nan, êtu da êsêac sêlic, oc têtuc aêac ḅa poc êndu atom me. <sup>27</sup> Aêac asêlêḅ êtôm bêc télêac asa gamêḅ sawa ana, go akêḅ da êndêḅ Apômtau, aêacma Anôtô, êtôm eḅ tau kêjatu aêac nan.” <sup>28</sup> Tec Parao kêsôm gebe “Aê jawi amac siḅ naakêḅ da êndêḅ Apômtau, amacnêḅ Anôtô, anḅa gamêḅ sawa. Tagenḅ amac ana jaêcḅeḅ atom. Awem ênac Apômtau êtu aêḅa.” <sup>29</sup> Go Mose kêsôm gebe “Ôlic acgom, aê jawi aôm siḅ jasa najatenḅ mec êndêḅ Apômtau gebe elenḅa danḅuc tolêsôb-tolêsôb êwi Parao to nê sakiḅwaga ma nê lau siḅ. Tagenḅ aôm ônsau aêac êtiam atom ma ôḅgamiḅ lau gebe sêkêḅ da êndêḅ Apômtau nec atom.” <sup>30</sup> Ma Mose kêsa anḅa Paraonê jaketenḅ mec gêdêḅ Apômtau. <sup>31</sup> Ma Apômtau gêgôm biḅ, taḅ Mose ketenḅ nan, ḅanô kêsa ma kêkôc danḅuc tolêsôb-tolêsôb su anḅa Parao to nê sakiḅwaga ma nê lau nêḅ. Danḅuc teḅ gêmoa kêtiam atom. <sup>32</sup> Mago

Parao gêgôm nê ñalêlôm ñadani kêsa kêtiam ma gêwi lau siñ atom.

## 9

### *Bôc têtap gêñwapac sa*

<sup>1</sup> Go Apômtau kêsôm gêdêñ Mose gebe “Ôsô ôndêñ Parao ôna ma ôsôm êndêñ enj gebe ‘Apômtau, Ebo-lainêñ Anôtô, nê biñ tau tonec gebe “Ôwi ñoc lau siñ, gebe nasênam sakiñ aê. <sup>2</sup> Ôlic acgom aôm embe ondec gebe ôwi êsêac siñ ma ôkôc êsêac tôñ ñapañ, <sup>3</sup> go Apômtau lêma ênac aômnêm bôc, tañ sêmoa kôm nañ, hos to donki ma kamele to bulimakao ma domba. Samob têtap gêmac sec kainj teñ sa. <sup>4</sup> Ma Apômtau êwa lau Israel to Aiguptu nêñ bôc êkêc, ma lau Israel nêñ bôc teñ êmac êndu atom.” ’’  
<sup>5</sup> Ma Apômtau kêkêñ noc ma kêsôm gebe “Elenña Apômtau gebe êngôm biñ tau ñanô êsa ança gamêñ tonec.” <sup>6</sup> Ma gelenña Apômtau gêgôm gêñ tau. Lau Aiguptu nêñ bôc samob sêmac êndu, mago lau Israel nêñ bôc teñ gêmac êndu atom. <sup>7</sup> Ma Parao kêsakiñ lau gebe sênac lau Israel nêñ bôc kêsi ma êsêac sêlic gebe nêñ bôc teñ gêmac êndu atom. Mago Paraonê ñalêlôm ñadani kêsa ma gêwi lau siñ atom.

### *Kamocmatu ñagêñwapac*

<sup>8</sup> Ma Apômtau kêsôm gêdêñ Mose agêc Aron gebe “Akôc ñagasi ança ki ano gêñña êsêp amagêc lemema ma Mose êpalip gêñ tau êpi umbonj ma Parao êlic. <sup>9</sup> Ñagasi tau oc ênam tau ôkwi êtu kekop ênam gamêñ Aiguptuñja samucgeñ auc e êngôm kamocmatu ênam ñamalac to bôc nêñ ôliñ auc ança gamêñ Aiguptuñja samucgeñ, ma kamocmatu tau

êu lasê e êtu kamoc.” <sup>10</sup> Amboac tonañ êsêagêc sêkôc ñagasi tau ma sêkô Parao lañônêmña. Ma Mose kêpalip kêpi umboñ e ñamalac to bôc têtap kamocmatu sa, tec kamocmatu tau gêu lasê e kêtû kamoc. <sup>11</sup> Lau mectomañña têtôm gebe sêkô Mose lañônêmña atom, gebe kamocmatu gêjam êsêac auc kêtôm gêjam lau Aiguptu ñagêdô samob auc. <sup>12</sup> Mago Apômtau gêgôm Paraoñê ñalêlôm ñadani kêsa e kêkêñ taña êsêagêcñêñ biñ atom kêtôm Apômtau kêsôm gêdêñ Mose kwanañen.

### *Kompoc ñagêñwapac*

<sup>13</sup> Go Apômtau kêsôm gêdêñ Mose gebe “Ôndi êndêñ elen bêbêc kanucgen ma ôkô Parao lañônêmña ma ôsôm êndêñ en gebe ‘Apômtau, Ebolainêñ Anôtô, nê biñ tau tonec gebe “Ôwi ñoc lau siñ gebe nasênam sakiñ aê. <sup>14</sup> Gebe galoc aê oc jasakiñ ñoc gêñwapac samob êkônin nêm ñalêlôm to nêm sakiñwaga ma nêm lau e ôjala, gebe ñac ten kêtôm aê gêmoa nom atomanô. <sup>15</sup> Wanêcgen aê embe jaôc lemoc sa ma janac aôm to nêm lau ña gêmoc sec, oc galoc amac anaña anga nom su. <sup>16</sup> Mago aê gasen aôm su atom, gebe jatôc ñoc ñaclai êndêñ aôm ma janğôm ñoc ñaê ñawae êsa êtu tapa anga nom samucgen. <sup>17</sup> Aôm kotoc taôm sa gêdêñ ñoc lau ñapan ma gôwi êsêac siñ atom. <sup>18</sup> Ôlic acgom, elenña ñaockatu amboac tonec aê jakêñ kompoc ênac kapôêñanô. Gêdêñ têm, tañ Aiguptu kêsa e mênğêdêñ galoc kompoc amboac tonañ gêjac kêsêp Aiguptu atomanô. <sup>19</sup> Amboac tonañ ôsakiñ ñawae gebe nêm bôc samob to gêñ samob, tañ gêmoa kôm nan, sêlamu gadê ten, gebe

kompos oc ênac ñamalac to bôc samob, tañ sêmoa kôm ma nêñ gadê masi nañ, sêmac êndu.” ’ ’ 20 Go Paraonê sakinwaga ñagêdô, tañ têtêc Apômtaunê biñ nañ, sêkêñ nêñ gêñôma to nêñ bôc sêc jasêlamu nêñ andu. 21 Mago êsêac, tañ Apômtaunê biñ kepen nêñ ñalêlôm atom nañ, dedec nêñ gêñôma to nêñ bôc gacgenj sêmoa kôm.

22 Ma Apômtau kêsôm gêdêñ Mose gebe “Ômêtôc lêmam êndêñ undambê gebe kompos ênac êpi ñamalac to bôc ma gêñ kômña aña gamêñ Aiguptuña samucgenj.” 23 Go Mose kêmêtôc lêma totôc gêdêñ undambê, ma Apômtau kêkêñ wapap to kompos gêjac ma ôsic kêkac kêsêp nom gêmêñ. Ma Apômtau kêkêñ kompos gêjac gamêñ Aiguptuña. 24 Kompos gêjac ma ôsic kêkac gê tângênj kêsêp kompos ñalêlôm. Gêdêñ têm samob, tañ ñamalac Aiguptuña sêbiñ tauñ tôñ têtû lau-m kapôêñ nañ, kompos kapôêñanô amboac tonañ gêjac atomanô. 25 Kompos kêtuc gêñ samob, tañ gêmoa kôm nañ, aña gamêñ Aiguptuña samucgenj. Gêjac ñamalac to bôc kêtômgenj ma gêjac gêñ kômña samob to kêtuc ka samob, tañ kêkô kôm nañ, tulu. 26 Gamêñ Gosen tagen, tañ lau Israel sêngôñ nañ, tec kompos kêsêp atom.

27 Go Parao kêsakin biñ gêdêñ Mose agêc Aron gebe sêmêñ ma kêsôm gêdêñ êsêagêc gebe “Aê gagôm sec gêdêñ ñasawa tonec. Apômtau en ñac gêdêñ ma aê to ñoc lau agôm gêñ keso. 28 Atenj Apômtau gebe wapap to kompos êmbacnê, gêjac kêtômngac. Aê gabe jawi amac siñ ana, amac oc amoa tonec baliñanô atom.” 29 Mose kêsôm gêdêñ en gebe “Êndêñ tañ jawi malac siñ su, go jalam



lemoc êndêñ Apômtau, ma wapap êmbacnê ma kompoc ênac êtiam atom, ec ôjala gebe Apômtau kêtû nom ñatau. <sup>30</sup> Mago aê kajala gebe aôm to nêñ sakinwaga atêc Apômtau Anôtô atom tagen.”

<sup>31</sup> (Kompoc gesen gêñ kômña, tañ kêtû gagwen nañ su, <sup>32</sup> gêñ kômña ñagêdô, tañ kêpoa atom tagen nañ, gêjaña atom.)

<sup>33</sup> Amboac tonañ Mose kêsa anga Paraonê jagêwi malac siñ ma gêlam lêma gêdêñ Apômtau, tec wapap to kompoc gêbacnê, ma kom kêsêwa kêsêp nom kêtiam atom. <sup>34</sup> Gêdêñ tañ Parao gêlic gebe kom to kompoc ma wapap gêbacnê nañ, en gêgôm sec kêtiam ma en tau to nê sakinwaga sêgôm nêñ ñalêlôm ñadani kêsa. <sup>35</sup> Amboac tonañ Paraonê ñalêlôm ñadani ma gêwi lau Israel siñ atom kêtôm Mose kêsôm kwananğen gêjam Apômtau awa.

## 10

### *Wagô ñagêñwapac*

<sup>1</sup> Su, go Apômtau kêsôm gêdêñ Mose gebe “Ôsô ôndêñ Parao ôna gebe aê gagôm en to nê sakinwaga nêñ ñalêlôm ñadani kêsa gebe jatôc ñoc gêñtalô tonec ñai êndêñ êsêac <sup>2</sup> ma gagôm gêñ tau gebe aôm ônac miñ êndêñ latômi ma dêbômi sêñô aê gagôm lau Aiguptu têtû meloc to gagôm gêñsêga kain ten anga êsêacnêñ gebe amac ajala gebe aê Apômtau tau.”

<sup>3</sup> Amboac tonañ Mose agêc Aron sêsô dêdêñ Parao sêja ma sêsôm gêdêñ en gebe “Apômtau, Ebo-lainêñ Anôtô, nê biñ tau tonec gebe ‘Aôm gobe ônac jao taôm e êndêñ ondocgen, go ômbu taôm êndêñ aê. Ôwi ñoc lau siñ gebe nasênam sakin aê. <sup>4</sup> Ôlic acgom, aôm embe ondec ma ôwi ñoc lau siñ atom,

go elenja aê jakêj wagô êsa nê m gamêj. <sup>5</sup> Gêj tau ênac têc nom auc e talic nom sapu. Wagô êni j gêj, ta j kompoc gesen su atom na j, to êni j nê m ka samob, ta j kêkô kô m na j. <sup>6</sup> Gêj tau êpi aôm to nê m saki jwaga ma lau Aiguptu samob nê j andu e êlôc. Gêdê j tê m, ta j tamami to dêbô mi sê ngô j gamê j tonec e mên gêdê j galoc êsêac sêlic gê j amboac tonaj te j atomanô.’” Go Mose kêkac tau ôkwi ma kêsa gêja.

<sup>7</sup> Ma Parao nê saki jwaga sê sô m gêdê j en j gebe “Ñac tonec êtu aêac tamoa jageo ñamôkê e enden ondocgen. Ôwi lau tau si jma j nasê nam saki j Apômtau, êsêacnê j Anô tô. Aiguptu gêja ja nec aôm nê m kauc kêsa atom me.” <sup>8</sup> Amboac tonaj êsêac sêkôc Mose agêc Aron sê mu dêdê j Parao sê ja, ma Parao kêsô m gêdê j êsêagêc gebe “Ana anam saki j Apômtau, amacnê m Anô tô ma j. Mago asa lau oc sê na.” <sup>9</sup> Ma Mose kêsô m gebe “Aêac oc ana toma lau wakuc ma lau ñanô, toma latunjo to ñac ma toma bulimakao to domba, gebe aêac alic Apômtaunê om.” <sup>10</sup> Parao kêsô m gêdê j êsêagêc gebe “Apômtau êwi j amacma j, mago aê jawi amac tonê m lau ma nê m gô lôac ñasec-ñasec si j atom. Bi j tonec gêc awê, gebe amac taê m gê jam bi j sec gêc nê m ñalê lô m. <sup>11</sup> Masianô. Amac ñacwaga taômgen ana ma anam saki j Apômtau, gebe bi j tonec tec abe a ngô m.” Ma sesoc êsêagêc sê sa a nja Parao sê ja.

<sup>12</sup> Go Apômtau kêsô m gêdê j Mose gebe “Ômê tôc lê mam êpi gamê j Aiguptu ja gebe wagô êsa gamê j Aiguptu ja ê mê j ma êni j gê j to lauj samob, ta j kompoc gesen su atom na j.” <sup>13</sup> Amboac tonaj

Mose kêmêtôc nê tôc kêpi gamêñ Aiguptuñ ma Apômtau kêkêñ mu kêsêlêñ anga gamêñ oc kêpiña kêsa gamêñ tau gêdêñ oc samuc tonañ ma gêbêc samuc tonañ. Ma ñageleñ mu tau kejon wagô gêmêñ. <sup>14</sup> Ma wagô gêjam nom Aiguptuñ auc samucgeñ ma gêjac têc gamêñ Aiguptuñ auc samucgeñ. Lau teñ sêlic wagô toton-toton amboac tonañ su atomanô me oc sêlic teñ êtiam atom amboac tonañgeñ. <sup>15</sup> Gêñ tau gêjac têc nom auc samucgeñ e jecôma ma geñ gamêñ ñagêñ matac samob to kañanô, tañ kompoc gesen su atom nañ, e gêbacnê Ka to gêñ kômña anga gamêñ Aiguptuñ ñalauñ gêjaña samucgeñ. <sup>16</sup> Go Parao kêkalem Mose agêc Aron kêkacgeñ ma kêsôm gebe “Aê gagôm sec gêdêñ Apômtau, amacnêm Anôtô, ma gêdêñ amagêc. <sup>17</sup> Tec galoc gabe jateñ amagêc gebe asuc ñoc sec ôkwi tageñ tecenec êwiñ, gebe atenñ Apômtau, amacnêm Anôtô, ma êkôc gêñwapac tonec su anga aê, gebe janaña atom.” <sup>18</sup> Go Mose kêsa anga Paraonê jaketeñ Apômtau. <sup>19</sup> Ma Apômtau gêjam mu ôkwi e kêsêlêñ kapôêñ kêsa anga gamêñ oc kêsêpña. Mu tonañ kejon wagô sa ma kêbaliñ kêsêp Gwêckoc gêja e wagô teñ gêmoa gamêñ Aiguptuñ kêtiam atom. <sup>20</sup> Mago Apômtau gêgôm Paraonê ñalêlôm ñadani kêsa ma en gêwi lau Israel siñ atom.

### *Gêsunbôm ñagêñwapac*

<sup>21</sup> Go Apômtau kêsôm gêdêñ Mose gebe” Ômêtôc lêmam êpi umboñ gebe gêsunbôm êkôm gamêñ Aiguptuñ auc e lau têtôm gebe sêmoasac gêsunbôm tau.” <sup>22</sup> Ma Mose kêmêtôc lêma kêpi umboñ e gêsunbôm ñadani sec kêkôm gamêñ Aiguptuñ samucgeñ auc kêtôm bêc têlêac. <sup>23</sup> Lau Aiguptu

sêlic tauŋ sapu ma dêdi aŋga malen atom kêtôm bêc têlêac. Mago lau Israel samob têtap ŋawê sa aŋga nêŋ gamêŋ. <sup>24</sup> Go Parao kêkalem Mose ma kêsôm gebe “Anam sakin Apômtau. Nêm ŋapalêo to ŋac sêwiŋ amac, tagen nêm bulimakao to domba gacgen sêmoa tonec.” <sup>25</sup> Mago Mose kêsôm gebe “Amboac tonan aôm taôm ôkêŋ bôc gebe akêŋ êtu da to daja êndêŋ Apômtau, aêacma Anôtô. <sup>26</sup> Aêacma bulimakao samob sêwiŋ aêacmaŋ, ŋaten êmoa tonec atom, gebe aêac ajalij ŋagêdô sa êtu anam sakin Apômtau, aêacma Anôtôŋa. Aêac ajam kauc anam sakin Apômtau ŋa gêŋ ondoc. Aêac aô lasê gamêŋ tau su acgom, go ajala.” <sup>27</sup> Ma Apômtau gêgôm Paraonê ŋalêlôm ŋadani kêsa ma en gêwi êsêac siŋ atom. <sup>28</sup> Go Parao kêsôm gêdêŋ Mose gebe “Ôêc su. Ôlic taôm gebe ôlic aê laŋôcanô êtiam atom. Êndêŋ bêc ôlic aê laŋôcanô êtiamŋa, aôm oc ômac êndu.” <sup>29</sup> Mose kêsôm gebe” Aôm kôsôm-gac. Aê oc jalic aôm laŋômanô êtiam atom.”

## 11

### *Ŋamêc samob sêmac êndu ŋapuc*

<sup>1</sup> Go Apômtau kêsôm gêdêŋ Mose gebe “Aê gabe jakêŋ gêŋwapac tagenŋen êwiŋ êkônij Parao to Aiguptu. Tonec êmbacnê, go êwi amac siŋ. Embe êwi amac siŋ, go êjanda amac aêc gacgen ana. <sup>2</sup> Galoc ôsôm êndêŋ nêm lau gebe ŋacwaga samob teten nêŋ lau sacgêdô gêdêŋ tauŋŋa to lauo samob teten nêŋ lauo sacgêdô gêdêŋ tauŋŋa gebe sêkêŋ gêlôŋ silber to gold êndêŋ êsêac.” <sup>3</sup> Ma Apômtau gêgôm lau Aiguptu sêlic lau Israel ŋajam. Ma Mose tau amboac tonan. Paraonê sakinwaga to lau tau

sêlic en amboac ñac towae kapôên anğa gamên Aiguptuņa.

<sup>4</sup> Ma Mose kêsôm gebe “Apômtaunê biņ tau tonec gebe Êndên êmbêc êna lugeņ, go aê jasêlên janac laoc gamên Aiguptuņa. <sup>5</sup> Ma gamên Aiguptuņa ñagên ñamêc samob sêmac êndu. Janac m anğa Paraonê ñacsêga, taņ oc êngôn Paraonê lêpôn kiņņa naņ, e êndên sakiņwagao, taņ kêlêsa polom popoc naņ, nê ñacsêga. Ma bôc ñamêc samob sêmac êndu amboac tonanğen. <sup>6</sup> Lau oc têtan taņjiboa kapôênanô amboac têtan gêmunņa atom ma oc têtan êtiam amboac tonec atomanô. <sup>7</sup> Mago lau Israel amboac teņ. Kêam teņ oc êkên Iêsu ñamalac to bôc atom, gebe ajala Apômtau gêwa lau Aiguptu to lau Israel kêkôc. <sup>8</sup> Go nê m sakiņwaga samob tonanğ sêsêp sêndên aê sê mên ma sewec êndên aê ma sêsôm gebe ‘Ôkôc taôm sa ma nê m lau samob sêndanğuc aôm.’ Su, go jawi gamên siņ.” Ma Mose kês a anğa Paraonê totêtac ñandanğ kapôênğenğ gêja. <sup>9</sup> Go Apômtau kêsôm gêdên Mose gebe “Parao oc êkên taņa aôm nê m biņ atom e aênoc gênğtalô êtu taêsam anğa gamên Aiguptu acgom.”

<sup>10</sup> Mose agêc Aron sêgôm gênğtalô samob tonanğ ñai sêkô Parao laņônê mņa. Ma Apômtau gêgôm Paraonê ñalêlôm ñadani kês a ma gêwi lau Israel siņ anğa nê gamên atom.

## 12

### *Biņ Pasanğa*

<sup>1</sup> Ma Apômtau kêsôm gêdên Mose agêc Aron anğa gamên Aiguptuņa gebe <sup>2</sup> “Ajôn tonec êtu nê m ajôn samob ñamata. Amac anac m nê m Jala ña ajôn

ņamata tonañ. <sup>3</sup> Asôm êndêņ Israelnêņ gôlôac gebe Êndêņ ajôņ tonec ñabêc 10 ñacwaga samob sêkôc domba ñalatu tagen-tagen êtôm nêņ gôlôacmôkêgeņ, sêkôc domba tagen-tagen êtôm andugeņ. <sup>4</sup> Ma lau andu teņņa embe nêņ toņ saun, naņ têtôm gebe sêniņ domba ñalatu teņ e êmbacnê atom, go êsêac to lau, taņ sêņgôņ mênbaņ taun naņ, sêpi tagen, ec têtôm gebe sêniņ domba ñalatu tau. Lau tau nêņ namba êtôm gebe sêniņ domba ñalatu teņ e êmbacnê. <sup>5</sup> Aômnêm domba ñalatu tau ñageo teņ ênêc atomanô. Ôkôc kapoac teņ ñajala tagen. Ôkôc domba me noniņ ñalatu teņ. <sup>6</sup> Ajop bôc ñalatu tau e êndêņ ajôņ tonec ñabêc 14. Êndêņ ñabêc tonañ ñaêtula Israelnêņ gôlôac samob sêmbuc nêņ domba ñalatu êtômgeņ. <sup>7</sup> Go sêkôc ñadec ñagêdô nasênsê êpi andu, taņ sêņgôņ ma sêniņ gêņ naņ, ñasagiņtêkwa sacgêdôņa to kagêbôc. <sup>8</sup> Êsêac sêpac domba ma sêniņ êndêņ êmbêc tonañ êwiņ polom ñaluc to gêņgaga ñamakic. <sup>9</sup> Aniņ bôc tau matac atom ma ano êsêp ku, go aniņ atom amboac tonañgeņ. Apacgeņ ma aniņ. Apac samucgeņ, ñamôkê to ñaakaiņ ma ñatê. <sup>10</sup> Ma andec ñapopoc ênêc e elenņa lasê atom. Ñagêdô embe ênêc, go akêņ ja êniņ su. <sup>11</sup> Aniņ gêņ tau ñalêņ amboac tonec gebe Ajandiņ nêm ômbiņkap to asô atapa ma amêņgôm tôc ma aniņ gêņ ñagaôgeņ. Moasiņ tonañ kêtû Apômtaunê Pasa. <sup>12</sup> Êndêņ êmbêc tonañ aê jasêlêņ janac laoc gamêņ Aiguptuņa ma janac gêņ ñamêc samob êndu, ñamalac ma bôc. Ma aê jamêtôc Aiguptunêņ anôtôi samob. Aê Apômtau. <sup>13</sup> Dec, taņ ansê êpi nêm andu naņ, êtu amacnêm ñabelo. Embe jalic, oc jaôc lêlêc

amac. Êndêñ tañ janac Aiguptu nañ, gêñwapac teñ êpi amac to enseq amac su atom.

<sup>14</sup> “Bêc tonañ êtu amacnêm bêc taêm ênamña ma amac alic bêc tau amboac Apômtaunê om teñ. Bin tonañ êtu amacnêm gôlôac to nêñ gôlôac nêñ ñagôlin teñ ênêc endeq tôñgeñ. <sup>15</sup> Amac aniq polom ñaluc êtôm bêc 7. Êndêñ bêc ñamataña amac akôc jist su aña nêm andu, gebe ñac teñ embe êniñ polom tojist êndêñ bêc ñamataña to bêc êtu 7ña ñasawa, nañ têtiñ eq su aña Israelnêñ. <sup>16</sup> Êndêñ bêc ñamataña gôlôac dabuñ sêkac sa. Ma êndêñ bêc êtu 7ña gôlôac dabuñ sêkac sa êtiam. Êndêñ bêc tonañ lau teñ sênam kôm atom, kôm amansañ gêñ aniqñaña tagen, tec êtôm gebe anam. <sup>17</sup> Ma amac matem êndiq Om Polom ñalucña ñapep, gebe êndêñ bêc tonañgeñ aê jawê amacnêm toñ samob sêwi Aiguptu siñ, tec amacnêm gôlôac to nêñ gôlôac mateñ êndiq bêc tonañ êtu nêm om. Bin tonañ êtu ñagôlin teñgeña teñ. <sup>18</sup> Êndêñ ajôñ ñamataña ñabêc 14 ñaêtula amac aniq polom ñaluc ñapañ e êndêñ ajôñ tonañ ñabêc 21 ñaêtula. <sup>19</sup> Êndêñ bêc 7 tonañ jist ñagec ênêc amacnêm andu atom. Ñac jaba teñ me Israel tañ nêñ ñac teñ embe êniñ polom tojist, nañ têtiñ eq su aña Israelnêñ gôlôac. <sup>20</sup> Aniq gêñ tojist teñ atom, aniq polom ñalucgeñ aña nêm andu samob.”

<sup>21</sup> Go Mose kêkalem Israelnêñ laumata samob ma kêsôm gêdêñ êsêac gebe “Ajalin domba ñalatu sa êtôm nêm gôlôacgeñ ma ambuc domba Pasaña. <sup>22</sup> Akôc sôbolec ôndôc teñ ma asac tôñ êsêp dec, tañ êpoac laclu nañ, go ansê ñadec êpi kagêbôc to sagintêkwa sacgêdôña. Amacnêm teñ êsa nê andu

ņasacgêdô êna atom e elenŋa lasê. <sup>23</sup> Gebe Apômtau êsêlêŋ ênac laoc gamêŋ gebe ênac Aiguptu. Embe êlic dec anŋa kagêbôc to sagingtêkwa sacgêdôŋa, go êôc lêlêc sacgêdô tonanŋ ma êkô anŋela sinŋa auc gebe êsô nêmandu êna ma ênac amac atom. <sup>24</sup> Sakinŋ tonanŋ amac matem êndinŋ êtu ŋagôlinŋ tenŋenŋa tenŋ êndêŋ amac to nêmandu gôlôac wakuc. <sup>25</sup> Ma amac embe aô lasê gamêŋ, taŋ Apômtau gebe êkêŋ êndêŋ amac amboac gêjac mata su naŋ, go ajop sakinŋ dabunŋ tonanŋ. <sup>26</sup> Ma amacnêmandu gôlôac embe têtukênac amac gebe ‘Sakinŋ dabunŋ tau ŋam amboac ondoc,’ <sup>27</sup> go asôm êndêŋ êsêac gebe ‘Pasa ŋada, taŋ akêŋ êndêŋ Apômtau naŋ tonec. Da tau ŋam gebe Enŋ gêôc lêlêc lau Israel nêŋ andu anŋa Aiguptu. Gêdêŋ taŋ gêjac Aiguptu naŋ, enŋ gêjam aêacnêŋ andu kêsi.’” Ma lau sewec to tetenŋ mec gêdêŋ Apômtau.

<sup>28</sup> Go lau Israel sêja ma sêgôm binŋ, taŋ Apômtau kêjatu gêdêŋ Mose agêc Aron naŋ, ŋanô kêsa.

### *Gêŋwapac ŋamuŋa. Namêc sêmac êndu*

<sup>29</sup> Gêdêŋ gêbêcauc gêja lu Apômtau gêjac launêŋ ŋacsêga samob êndu anŋa gamêŋ Aiguptuŋa. Enŋ gêjac Paraonê ŋacsêga, taŋ êwê kainŋ ênê lêpônŋ kinŋa to ŋac kapoacwalôŋa, taŋ gêŋgônŋ gêsunŋ kapoacwalôŋa naŋ, nê ŋacsêga ma bôc ŋamêc samob. <sup>30</sup> Ma Parao to nê sakinŋwaga ma lau Aiguptu samob dêdi sa gêdêŋ gêbêc ma taŋjiboa kapônêŋ kêpi anŋa Aiguptu gebe ŋacmatê sêc kêtôm andu samobgeŋ. <sup>31</sup> Ma gêdêŋ gêbêc tonanŋenŋ Parao kêkalem Mose agêc Aron ma kêsôm gêdêŋ êsêagêc gebe “Andi ma aêc ana. Amagêc to lau Israel awi ŋoc lau sinŋ. Aêc su naanam sakinŋ Apômtau



amboac asôm. <sup>32</sup> Akôc nê m domba to bulimakao sêwiṅ amac êtôm asôm ma ana. Ma atenṅ Apômtau gebe ênam mec aê amboac tonanṅen.”

<sup>33</sup> Lau Aiguptu sêkac lau Israel gebe sêwi gamêṅ siṅ ṅagaôṅen gebe sêsôm gebe “Êsêac embe sêwi aêac siṅ atom, go aêac samob tamac êndu.” <sup>34</sup> Amboac tonanṅ lau Israel sêsabanṅ nêṅ suc topolom ṅaluc matac kêsêp nêṅ ṅakwê ma sêbic sa sebe sêsêlêṅ. <sup>35</sup> Lau Israel sêgôm kêtôm Mose kêsôm gêdêṅ êsêac ma tetenṅ Aiguptu, tec sêkêṅ gêlôṅ silber to gold ma ṅakwê gêdêṅ êsêac. <sup>36</sup> Ma Apômtau gêgôm lau Aiguptu sêlic lau Israel ṅajam e sêkêṅ gêṅ, taṅ Israel tetenṅ nanṅ, gêdêṅ êsêac. Tec lau Israel sêjaṅgo gêṅ su anṅa lau Aiguptu nêṅ.

### *Lau Israel sêwi Aiguptu siṅ*

<sup>37</sup> Ma lau Israel dêdi anṅa Rameses sêsêlêṅ sêja Sukot. Êsêacnêṅ namba amboac 600,000, mago sêsa lau to nêṅ gôlôac sa sêwiṅ atom. <sup>38</sup> Ma lau jaba taêsam sêwiṅ êsêac, ma domba to bulimakao totonṅ-totonṅ sêwiṅ amboac tonanṅen. <sup>39</sup> Ma lau Israel sêkôc polom matac, taṅ sêmasanṅ anṅa Aiguptu nanṅ, anṅa nêṅ suc ma sêpac polom ṅaluc. Polom tau ṅaluc gebe lau Aiguptu sesoc êsêac, tec nêṅ ṅasawa sêkêṅ jist êsêpṅa masi. Êsêac sêmasanṅ gêṅ sêniṅ anṅa intênaṅa gêwiṅ atom amboac tonanṅen.

<sup>40</sup> Lau Israel sêṅgôṅ Aiguptu kêtôm jala 430.

<sup>41</sup> Ma gêdêṅ bêc jala 430 gêbacnêṅa solopṅen Apômtaunê lau samob sêwi gamêṅ Aiguptuṅa siṅ.

<sup>42</sup> Gêdêṅ gêbêc tonanṅ Apômtau gêjam jali ma gêwê êsêac sêsa anṅa Aiguptu sêja. Kêtu tonanṅa lau Israel nêṅ gôlôac to nêṅ gôlôac samob sênam jali êndêṅ êmbêc tonanṅ ma taêṅ ênam Apômtau.

12:43–13:16 Anğa ɲasêbu tonec biɲsu sêlic om Pasa to om Polom ɲalucɲa ɲapeɲa gêc. Biɲsu ɲagêdô kêkanônɲ lau Israel nêɲ ɲapalê ɲamêc to nêɲ bôc kapoac ɲamêc Anôtô gêwa sa gêdêɲ êsêac gebe ɲamêc tau têtû ênê gêɲ.

## 13

### *Tao majan to tao ja*

<sup>17</sup> Gêdêɲ taɲ Parao gêwi lau Israel siɲ naɲ, Anôtô gêwê êsêac sêsa lau Pilisti nêɲ gamêɲ ɲaintêna atom. Intêna tau tonanɲ dambê, mago Anôtô taê gêjam gebe lau embe sêndac siɲ, oc moae sêkac taunɲ ôkwi sêmu sêna Aiguptu êtiam. <sup>18</sup> Tec Anôtô gêwê lau sêsa intêna gamêɲ sawanɲa sepeɲ Gwêckoc sêja. Lau Israel dêdi anğa Aiguptu tonêɲ laukasapgeɲ. <sup>19</sup> Ma Mose kêkôc Josepnê ɲatêkwa gêwiɲ kêtôm Josep kêtôc lêma ma kêmasanɲ biɲ gêdêɲ lau Israel gebe “Anôtô oc ênam amac kêsi. Êndêɲ tonanɲ amac akôc ɲoc ɲatêkwa anğa tonec êwiɲ.” <sup>20</sup> Ma êsêac sêwi Sukot siɲ jasê bec anğa Etam, taɲ gêc gamêɲ sawa ɲamagê naɲ. <sup>21</sup> Ma Apômtau kêsêlêɲ gêmunɲ êsêac gêmoa tao majanɲ ɲalêlôm gêdêɲ ocsalô gebe êwê êsêac ma gêdêɲ gêbêc gêmoa tao ja ɲalêlôm gebe êpô êsêac e têtôm gebe sêselêɲ êndêɲ ocsalô ma êndêɲ êmbêc. <sup>22</sup> Tao majanɲ kêsêlêɲ gêmunɲ gêdêɲ ocsalô ma tao ja gêdêɲ gêbêc ɲapangeɲ.

## 14

### *Lau Israel selom Gwêckoc*

<sup>1</sup> Go Apômtau kêsôm gêdêɲ Mose gebe <sup>2</sup> “Ôsôm êndêɲ lau Israel gebe sêkac taunɲ ôkwi sêmu sêna Pihahiroc nasê bec anğa gamêɲ, taɲ gêc Migdol to

gwêc ñasawa êkanôn Balsepo nan. Aê bec êkanôn malac tonan anğôn gwêctaligen. <sup>3</sup> Parao oc taê ênam gebe lau Israel sêlêsa sêmoa ma gamên sawa oc kêlênsôn êsêac. <sup>4</sup> Go aê jaŋgôm Paraonê ñalêlôm ñadani êsa e êjanda êsêac. Go jaku Parao to nê siŋwaga samob tulu e ñoc ñawasi êsa. Ma lau Aiguptu oc sêjala gebe aê Apômtau.” Ma êsêac sêgôm amboac tonan.

<sup>5</sup> Gêdên taŋ sêjac miŋ gêdên kiŋ Aiguptuŋa gebe lau Israel sêc sêja nan, Parao to nê siŋwaga nêŋ ñalêlôm gêjam tau ôkwi ma taêŋ gêjam biŋ teŋ kêpi Israel. Ma êsêac sêsôm gebe “Aêac dagôm asagen tonec, tec dawî Israel siŋ e sêjam sakiŋ aêac kêtiam atom.” <sup>6</sup> Amboac tonan Parao kêjatu gebe sêmansaŋ kareta siŋŋa ma kejoŋ nê siŋwaga sa sêwiŋ eŋ. <sup>7</sup> Eŋ kêkôc kareta siŋŋa 600, taŋ tau kêjaliŋ sa nan, to kareta ñagêdô samob, taŋ kêtap sa anğa Aiguptu nan, ma kêkêŋ siŋwaganêŋ lau-mata sêpi kareta tonan kêtômgen. <sup>8</sup> Ma Apômtau gêgôm kiŋ Aiguptuŋa Parao nê ñalêlôm ñadani kêsa e kêjanda lau Israel, taŋ sêsa anğa Aiguptu sêja toôliŋ kêpigen. <sup>9</sup> Lau Aiguptu sêjanda êsêac ma Aiguptunêŋ hos to kareta ma lau, taŋ sêŋgôn hos ñaô nan, to siŋwaga samob jasêôc lêlêc lau Israel, taŋ sê nêŋ bec sêŋgôn gwêctaligen anğa Pihahirok kêkanôn Balsepo.

<sup>10</sup> Gêdên taŋ Parao kêdabiŋ êsêac nan, lau Israel sêôc matenanô sa ma sêlic lau Aiguptu sêsêlêŋ sepeŋ êsêacgen, ma êsêac têtêc taun ñanô. Ma lau Israel têtaiŋ gêdên Apômtau. <sup>11</sup> Ma êsêac sêsôm gêdên Mose gebe “Amboac ondoc, sêô masi anğa gamên Aiguptuŋa, tec gôwê aêac asa amên gebe

amac êndu anğa gamêñ sawa nec me. Aôm gôgôm aêac amboac ondoc, tec gôwê aêac awi Aiguptu siñ nec. <sup>12</sup> Aêac amoa Aiguptugeñ, tec asôm biñ tonec gêdêñ aôm gebe ‘Ondec aêac, aêac abe anam sakiñ lau Aiguptu.’ Anam sakiñ Aiguptu tec ñajam kêlêlêc amac êndu anğa gamêñ sawaña su. Aêac asôm biñ tonañ atom me.” <sup>13</sup> Ma Mose kêsôm gêdêñ lau gebe “Atêc taôm atom, akô ñajaña, go alic Apômtau ênam amac kêsi ñakôm, tañ gebe ênam êndêñ ocsalô tonec êtu amacña nañ. Lau Aiguptu, tañ ocsalô tonec alic êsêac nañ, oc alic êsêac êtiam atom. <sup>14</sup> Apômtau oc ênac siñ êjô amac su ma amac taôm amoa gamêñ êmacgeñ.”

<sup>15</sup> Go Apômtau kêsôm gêdêñ Mose gebe “Aôm gômôêc aê kêtû asageñña. Ôsôm êndêñ lau Israel gebe sêndi sêsêlêñ. <sup>16</sup> Ôc nêñm tôtec sa to ômêtôtec lêmam êsa gwêc ma ôwa êkôtec gebe lau Israel sêsêp ma sêsêlêñ gamêñ kelengeñ. <sup>17</sup> Ma aê jañgôm lau Aiguptu nêñ ñalêlôm ñadani êsa e sêsêp sêndañguc êsêac, go jañgôm ñoc ñawasi êsa jaku Parao to nê siñwaga samob ma nê kareta to lau, tañ sêñgôn hos ñaô nañ tulu. <sup>18</sup> Aê embe jañgôm ñoc ñawasi êsa jaku Parao to nê kareta ma nê lau, tañ sêñgôn hos ñaô nañ, tulu su, go lau Aiguptu sêjala gebe aê Apômtau.”

<sup>19</sup> Go Anôtônê anjela, tañ kêsêlêñ gêmuj lau Israel nêñ toñ nañ, gêwi mala siñ jakêdaguc êsêac. Ma tao majañ gêwi nêñmña siñ jakêkô êsêac dêmôêñmuña, <sup>20</sup> ma geñ lau Aiguptu nêñ toñ to Israelnêñ toñ gêñgic. Ma tao majañ tau kêkêñ gêsunbôm ma toñ luagêc têtap tañ sa atom gêdêñ gêbêcauc samuc tonañ.

21 Go Mose kêmêtôc lêma kêsa gwêc ma Apômtau kêkêñ mu gêbuc anga gamêñ oc kêpiña gêdêñ gêbêc samuc tonañ ma gêgôm gwêc ñakelenj kêsa. Eñ gêwa gwêc kêkôc, 22 ma lau Israel sêsêp gwêc ñalêlôm jasêsêlêñ sêmoa gamêñ ñakelenj. Ma gwêc tau gêlêc sa kêtôm tunbôm kêkô makenj-makenj. 23 Lau Aiguptu sêjanda êsêac ma Paraonê hos samob to nê kareta sinja ma nê lau, tañ sêngônj hos ñaô nan, têdaguc êsêac sêsêp gwêc ñalêlôm sêja. 24 Gêu bônj kêsa ma Apômtau, tañ gêmoa tao majañ to tao ja ñalêlôm nan, kêtuc kêniñ kêsêp lau Aiguptu nêñ tonj ma kêlênsônj êsêac. 25 Eñ gêbôc nêñ kareta auc e kareta kêsêlêñ ñawapac sec. Tec lau Aiguptu sêsôm gebe “Taêc lau Israel sumañ, gebe Apômtau tau gêjac sinj gêdêñ aêac gêjô êsêac.”

26 Go Apômtau kêsôm gêdêñ Mose gebe “Ômêtôc lêmam êsa gwêc gebe gwêc êjô tau mala ma ênsalê lau Aiguptu to nêñ kareta sinja ma nêñ lau sêngônj hos ñaôña auc.” 27 Amboac tonañ Mose kêmêtôc lêma kêsa gwêc, tec gêdêñ gelenj mata gwêc gêjô tau mala kêtiam. Lau Aiguptu, tañ sêc su nan, sêlêti sêsêp gwêc ñalêlôm ma Apômtau kêkêñ gwêc kêsâlê lau Aiguptu auc. 28 Gwêc gêjô tau mala ma kêmakop Paraonê kareta to lau sêngônj hos ñaôña ma nê tonj samob, tañ têdaguc lau Israel sêsêp gwêc sêja nan. Êsêacnêñ tenj gêmoa kêtiam atom. 29 Mago lau Israel sêsêp gwêc jasêsêlêñ sêmoa gamêñ ñakelenj. Gwêc tau gêlêc sa kêtôm tunbôm kêkô makenj-makenj.

30 Gêdêñ bêc tonañ Apômtau gêjam lau Israel kêsi anga lau Aiguptu lemenj ñalêñ tonañ. Ma lau Israel sêlic lau Aiguptu nêñ ñacmatê sêc ambêo. 31 Ma lau

Israel sêlic kôm kapôên, taŋ Apômtau gêjam gêdêŋ taŋ geseŋ lau Aiguptu su naŋ, e têtêc Apômtau. Ma êsêac sêkêŋ gêwiŋ Apômtau to nê sakiŋwaga Mose.

## 15

<sup>1</sup> Go Mose to lau Israel sêjam wê

tonec gêdêŋ Apômtau gebe

“Aê gabe janam wê êndêŋ Apômtau, gebe eŋ kêwaka nê ŋawasi sa.

Eŋ kêbaliŋ hos to lau sêŋgôŋ ŋaôŋa sêsêp gwêc sêja.

<sup>2</sup> Apômtau kêtû ŋoc ŋaclaimôkê to ŋoc wê ŋam.

Eŋ kêtû moasiŋ ênam aê kêsiŋa.

Aêŋoc Anôtô eŋcoc, tec gabe jalambiŋ eŋ.

Eŋ kêtû tamocnê Anôtô, tec gabe jatoc eŋ sa.

<sup>3</sup> Apômtau eŋ siŋsêlêc laŋgwa.

Ênê ŋaê gebe Apômtau.

<sup>4</sup> “Eŋ kêbaliŋ Paraonê kareta to nê siŋwaga sêsêp gwêc sêja.

Ma siŋwaga, taŋ Parao kêjaliŋ sa naŋ, sênôm Gwêckoc su sêjaŋa.

<sup>5</sup> Gwêc ŋadembom kêmakop êsêac auc.

Êsêac sênê sêsêp gêdimbob amboac poc.

<sup>6</sup> O Apômtau, aôm lêmam anôŋa kêwaka ŋaclai sa,

O Apômtau, aôm lêmam anôŋa kêtuc ŋacjo popoc.

<sup>7</sup> Aôm ŋaniniŋ to ŋawasi ŋatau kôku nêŋ soŋo-soŋo tulu.

Aôm têtmac ŋandaŋ kêsa, tec geŋ êsêac amboac ja geŋ oba.

<sup>8</sup> Aôm gôju awamjaô kêsa ma gwêc gêlêc tau sa e kêkô kêtôm tunbôm

ma gwêc ŋadimdani tau ŋajaŋa kêsa kêkô.

<sup>9</sup> ŋacjo kêsôm gebe ‘Aê jajanda e jaôc lêlêc êsêac.

Aê janac sam waba, tañ jajaŋgo anga êsêacnêḡ naḡ,  
ma matoc katu gêḡ teḡ êtiam atom.

Aê jambuc ḡoc siḡ sa ma lemoc enseḡ êsêac su.'

<sup>10</sup> Aôm nêḡ mu gêbuc e gwêc kêmakop êsêac auc.

Êsêac sêḡ sêsêp gwêc kapôḡ sêja têtôm ki gêḡ.

<sup>11</sup> "O Apômtau, anôtôinêḡ asa kêtôm aôm.

Asa ḡaniniḡ to dabuḡ ma gêgôm gêḡsêga toḡaclai  
to gêgôm gêḡtalô kaiḡ teḡ kêtôm aôm.

<sup>12</sup> Aôm kômêtoç lêmam anôḡa

ma nom kêdaḡḡêḡ êsêac.

<sup>13</sup> "Aôm gôwê lau, taḡ kôjaliḡ sa naḡ, totêmtac gêwiḡ  
teḡgeḡḡa,

Aôm gôwê êsêac ḡa nêḡ ḡaclai sêô lasê nêḡ gamêḡ  
dabuḡ.

<sup>14</sup> Lau tomôkê-tomôkê sêḡô ḡawae e têtênêp.

Lau, taḡ sêḡḡêḡ Pilistinêḡ gamêḡ naḡ, sêmoa tonêḡ  
ḡalêlôm ôluḡ-ôluḡgeḡ.

<sup>15</sup> Gêdêḡ têm tonarḡ lau Edom nêḡ kasêga têtakê,

lau Moab nêḡ laumata têtênêp,

ma lau samob, taḡ sêḡḡêḡ Kanaan naḡ, nêḡ  
ḡalêlôm kêtû palê.

<sup>16</sup> Êsêac têtakê ma têtêc taḡḡ ḡanô.

O Apômtau, aôm lêmam ḡaḡaclai gêgôm êsêac  
awerḡmê kêsa têtôm poc

e aôm nêḡ lau sêôc lêlêc êsêac,

e lau, taḡ aôm gôjam gôliḡ naḡ, sêôc lêlêc êsêac.

<sup>17</sup> Aôm gobe ôwê êsêac e ôsa êsêac sêsêp aôm taôm  
nêḡ lôc.

O Apômtau, aôm ôsa êsêac sêsêp nom, taḡ kêtû nêḡ  
gamêḡ naḡ.

O Apômtau, gamêñ tonañ êtu nê m lôm dabuñ, tañ lêmam kêmasañ nañ.

18 Apômtau êtu kinj tengeñ ma tengeñ.”

19 Paraoñê hos to nê kareta ma lau sêngôn hos ñaônã sêsêp gwêc sêja, mago Apômtau kêkêñ gwêc gêjô tau mala jakêmakop êsêac auc. Ma lau Israel sêsêlêñ sêmoa gamêñ ñakelen sêmoa gwêc lêlômgen sêja.

20 Go Aron luo, Miriam, tañ kêt u tenj nañ, kêkôc on saun tenj ma lauo samob tédaguc enj toonjenj ma têtê wê. 21 Ma Miriam gêjam wê gêdêñ êsêac gebe Anam wê êndêñ Apômtau, gebe enj kêwaka nê ñawasi sa, Enj kêbaliñ hos to lau sêngôn ñaônã sêsêp gwêc sêja.

### *Mara ñabu ñamakic*

22 Go Mose kêjatu lau Israel gebe sêndi anãa Gwêckoc ma gêwê êsêac sepenj gamêñ sawa Surña. Êsêac sêsêlêñ bêc têlêac sêmoa gamêñ sawa ma têtap bu tenj sa atom. 23 Gêdêñ tañ sêô lasê Mara nañ, êsêac têtôm gebe sênôm bu Maraña atom, gebe bu tau ñamakic. Gamêñ tau ñaê Mara ñam gebe Bu ñamakic. 24 Ma lau sêli awenj sa gêdêñ Mose ma sêsôm gebe “Aêac anôm asagenj.” 25 Ma enj gêmôêc gêdêñ Apômtau. Ma Apômtau kêtôc ka tenj gêdêñ enj. Mose kêbaliñ ka tau kêsêp bu ma bu tau ñaluc kêsa.

Anãa tônê Apômtau kêkêñ ñagôlinj to jatu gêdêñ êsêac ma kêsaê êsêac. 26 Enj kêsôm gebe “Aôm embe tañam wamu Apômtau, aômñêm Anôtô, nê awa ma ôngôm ênê ñagôlinj êtu tônj, go jakêñ gêmac, tañ kakêñ gêdêñ lau Aiguptu nañ, ñateñ êngôm aôm atom, gebe aê Apômtau, tañ gagôm aôm ôlim ñajam kêsa nañ.”



<sup>27</sup> Go êsêac jasêo lasê Elim. Bumata 12 kêpoac gamêḡ tonan ma nip 70 kêkô. Ma êsêac sê nêḡ bec sêmoa bu ḡagala.

## 16

### *Anôto kêkêḡ mana*

<sup>1</sup> Êsêac dêdi anḡa Elim ma Israelnêḡ gôlôac samob sêo lasê gamêḡ sawa Sin, taḡ gêc Elim to Sinai ḡasawa. Êsêac sêwi Aiguptu siḡ ma sêmoa gamêḡ sawa e têtap ajônê kêtú luagêcḡa ḡabêc 15 sa, ma sêo lasê gamêḡ tonan. <sup>2</sup> Ma Israelnêḡ gôlôac samob sêli awen sa gêdêḡ Mose agêc Aron anḡa gamêḡ sawa <sup>3</sup> ma sêsôm gêdêḡ êsêagêc gebe “Aêac abe Apômtau lêma enseḡ aêac su anḡa gamêḡ Aiguptuḡamaḡ. Gêdêḡ tonan aêacma ku togwada kêkô to anḡôn moasu ḡaô. Amagêc awê aêac asa gamêḡ sawa amêḡ gebe mo êḡo aêac samob êndú.”

<sup>4</sup> Go Apômtau kêsôm gêdêḡ Mose gebe “Ôlic acgom, aê gabe jakêḡ polom êndêḡ amac anḡa undambê amboac kom. Ma lau sêsa sêna to sejon polom êtôm bêcḡeḡa êndêḡ bêc samob, gebe jansaê êsêac gebe sêmoa ḡoc biḡsu ḡalabu me masi.

<sup>5</sup> Êndêḡ bêc êtu 6ḡa embe sêmansaḡ polom, taḡ sejon sa nan, oc polom bêc tagenḡa tau êtu taêsam êtôm bêc luagêcḡa.” <sup>6</sup> Go Mose agêc Aron sêsôm gêdêḡ lau Israel samob gebe “Êndêḡ êtula amac oc ajala gebe Apômtau gêwê amac asa anḡa gamêḡ Aiguptuḡa amêḡ. <sup>7</sup> Ma êndêḡ elen bêbêc amac oc alic Apômtaunê ḡawasi, gebe en ḡêḡo amac ali awem sa gêdêḡ en tau, gebe aêagêc asa, tec ali awem sa gêdêḡ aêagêc.” <sup>8</sup> Ma Mose kêsôm gebe

“Êndêñ êtula Apômtau êkêñ gwada êndêñ amac aniñ, ma êndêñ elen bêbêc êkêñ amac aᅅgôn moasu ᅅaô. Gebe Apômtau tau gêñô amac ali awem sa gêdêñ eñ. Aêagêc asa. Amac ali awem sa gêdêñ aêagêc atom, ali awem sa gêdêñ Apômtau.”

<sup>9</sup> Go Mose kêsôm gêdêñ Aron gebe “Ôsôm êndêñ lau Israel nêñ gôlôac samob gebe ‘Amêñ atu gasuc andêñ Apômtau amêñ, gebe eñ gêñô amac ali awem sa sugac.’ ” <sup>10</sup> Ma gêdêñ tañ Aron kêsôm biñ gêdêñ lau Israel nêñ gôlôac nañ, êsêac sêkac tañ ôkwi gêdêñ gamêñ sawa ma sêlic Apômtaunê ᅅawasi geoc tau lasê ᅅa tao teñ. <sup>11</sup> Ma Apômtau kêsôm gêdêñ Mose gebe <sup>12</sup> “Aê gañô lau Israel sêli awen sa. Ôsôm êndêñ êsêac gebe ‘Êndêñ êtula amac oc aniñ gwada ma êndêñ elen bêbêc aᅅgôn moasu ᅅaô. Gocgo ajala gebe Apômtau, amacnêm Anôtô, aê.’ ”

<sup>13</sup> Gêdêñ kêtula kêmbico mênșsêsa e sêjam gamêñ, tañ bec kêkô nañ, auc. Ma gêdêñ bêbêcgeñ manij gêjam gamêñ tau auc. <sup>14</sup> Manij gê su acgom, go gêñ ᅅasec-ᅅasec to kuku kêtôm mêcgauc gêc nom. <sup>15</sup> Lau Israel sêlic gêñ tau ma sêsôm gêdêñ tañ gebe “Tonec asageñ.” Gebe êsêac sêjam kauc gêñ tau. Ma Mose kêsôm gêdêñ êsêac gebe “Polom, tañ Apômtau kêkêñ gêdêñ amac gebe aniñ nañ, tonec. <sup>16</sup> Ma Apômtau tau kêjatu biñ amboac tonec gebe ‘Amac samob êndêñ-êndêñgeñ ajon gêñ sa êtôm amac aniñᅅa. Ajon lita luagêc sa êtôm ᅅacanôgeñ. Amboac tonañ asa lau, tañ sêᅅgôn amacnêm bec sêwiñ amac nañ sa, go ajon sa êtôm namba tau tonañgeñ.’ ” <sup>17</sup> Ma lau Israel sêgôm kêtôm tonañ. Lau ᅅagêdô sejon ec kapôên, ᅅagêdô sejon ec ᅅagec. <sup>18</sup> Mago gêdêñ tañ sêjam dôn gêñ tau ᅅa dôn laclu

nañ, ñac tañ kejon ec kapôên nañ, kêkôc kêlêlêc laclu teñ su atom, ma ñac, tañ kejon ec ñagec nañ, kêpô lêna atom. Êsêac samob sejon sa kêtôm êsêac sêniñña solopgen. <sup>19</sup> Ma Mose kêsôm gêdên êsêac gebe “Ñac teñ êkên ñagêdô ênêc e elenña atom.” <sup>20</sup> Mago êsêac sêkên tañen en atom. Lau ñagêdô tetoc ñapopoc gêc e gelenña, tec gên tau kêtú sec ma têmoa gêjam auc ma ñasu kêsa. Ma Mose têtac ñandañ kêsa gêdên êsêac. <sup>21</sup> Kêtôm bêbêcgen samob êsêac sejon gên tau sa e kêtôm êsêac gebe sêniñnagen. Mago gêdên tañ oc ñandañ kêsa nañ, gên tau gêwê.

<sup>22</sup> Gêdên ñabêc kêtú 6ña êsêac sejon polom kêtôm bêc luagêcña. Êsêac sejon laclu luagêc-luagêc kêtôm ñacanôgen. Ma gôlôacnên laumata dêdên Mose jasêjac ñamin gêdên en. <sup>23</sup> Ma en kêsôm gêdên êsêac gebe “Biñ tonec Apômtau kêjatu gebe ‘Elenña bêc talêwan tauñña teñ. Bêc tau kêtú Apômtaunê sabat dabun. Gên tañ amac abe apac nañ, apacmañ. Ma gên, tañ amac abe ano nañ, anomañ. Ma gên ñagêdô, tañ gacgen gêc nañ, ênêc e elenña acgom.’” <sup>24</sup> Amboac tonañ êsêac deden gên ñagêdô gêc e gelenña, kêtôm Mose kêjatu êsêac. Ma gên tau kêtú sec atom ma têmoa kêsêp atom. <sup>25</sup> Mose kêsôm gebe “Ocsalô anin gên tau gebe ocsalô kêtú Apômtaunê sabat. Ocsalô amac oc atap gên teñ sa anja kôm atom. <sup>26</sup> Ajon gên tau sa êtôm bêc 6, mago êndên bêc êtu 7ña, tañ êtu sabat nañ, oc atap gên teñ sa atom.” <sup>27</sup> Gêdên bêc kêtú 7ña lau ñagêdô sêsa sêja sebe sejon gên tau, mago têtap gên teñ sa atom. <sup>28</sup> Ma Apômtau kêsôm gêdên Mose gebe “Amac adec ñoc jatu to biñsu ma asô ñalabu atom e êndên ondogen. <sup>29</sup> Ôlic

acgom, aê Apômtau kakêᶇ sabat gêdêᶇ amac. Kêtu tonanᶇa kakêᶇ polom kêtôm bêc luagêc gêdêᶇ bêc kêtû 6ᶇa. Êndêᶇ bêc êtu 7ᶇa amacnêm lau samob sêᶅgôᶇ nêᶇ malenᶅeᶇ. ᶇac teᶇ êwi nê mala siᶅ atom.” <sup>30</sup> Amboac tonanᶇ lau sêlêwanᶇ taunᶇ gêdêᶇ bêc kêtû 7ᶇa.

<sup>31</sup> Ma lau Israel sêsam gêᶅ tau gebe Mana. Gêᶅ tau sêpsêp kêtôm mêcgauc ma ᶇasaê kêtôm polom tolêp. <sup>32</sup> Ma Mose kêsôm gebe “Apômtau kêjatu biᶅ tonec gebe ‘Akôc gêᶅ tau laclu teᶇ ma amansanᶇ ênêc gebe nêm gôlôac ᶇamuᶇa sêlic polom, taᶅ kakêᶇ gêdêᶇ amac aeᶅ aᶅga gamêᶅ sawa gêdêᶇ taᶅ gawê amac asa aᶅga gamêᶅ Aiguptuᶅa amêᶅ nanᶇ.’” <sup>33</sup> Ma Mose kêsôm gêdêᶇ Aron gebe “Ôkôc ku teᶇ ma ôkêᶅ mana laclu teᶇ êsêp ma otoc ku tau êkô Apômtau lanônêmᶇa gebe ênêc e nêm gôlôac ᶇamuᶇa sêlic amboac tonanᶅeᶇ.” <sup>34</sup> Amboac tonanᶇ Aron ketoc ku tau kêkô katapa poacᶅa ᶇanêmᶇa gebe ênêc kêtôm taᶅ Apômtau kêjatu gêdêᶇ Mose nanᶇ. <sup>35</sup> Ma lau Israel seᶅ mana tau kêtôm jala 40 e sêô lasê gamêᶅ, taᶅ ᶇamalac sêᶅgôᶇ nanᶇ. Êsêac seᶅ mana e sêô lasê gamêᶅ Kanaan ᶇamadiᶅ. <sup>36</sup> (Dôᶅ sêjam dôᶅ gêᶅ ᶇakelenᶅa gêdêᶇ têm tonanᶇ kêkôc kêtôm 20 lita.)

## 17

### *Bu kêsa poc*

<sup>1</sup> Lau Israel nêᶅ gôlôacmôkê samob dêdi aᶅga gamêᶅ sawa Sin. Êsêac sêselêᶅ ma sêlêwanᶇ taunᶇ tosawa-tosawa kêtôm Apômtaunê jatu e sê nêᶅ bec aᶅga Repidim. Mago bu gebe lau sênômᶇa masi. <sup>2</sup> Kêtu tonanᶇa êsêac sêli awenᶅ sa gêdêᶇ Mose

ma sêsôm gebe “Ôkêñ bu êndêñ aêac anôm.” Ma Mose kêsôm gêdêñ êsêac gebe “Amac ali awem sa gêdêñ aê kêtú asageñña. Amac asaê Apômtau kêtú asageñña.” <sup>3</sup> Ma bu gêjô lau aña tônê, tec sêli awen sa gêdêñ Mose ma sêsôm gebe “Aôm gôwê aêac asa aña Aiguptu mênasa tonec gebe bu êjô aêac to ma gólôac ma bulimakao samob êndu kêtú asageñña.” <sup>4</sup> Amboac tonañ Mose gêmôêc gêdêñ Apômtau gebe “Aê janğôm lau tonec amboac ondoc. Saunğen, go têtuc aê ña poc êndu.” <sup>5</sup> Ma Apômtau kêsôm gêdêñ Mose gebe “Ôkôc lau Israel nêñ laumata ñagêdô ma asêlêñ aôc lêlêc’ lau naamun. Ômênğôm tôc, tañ kôkôc gêdêñ gôjac bu Nil nañ, ma ôsêlêñ. <sup>6</sup> Ôlic acgom, aê jakô aôm ñamata aña poc kapôêñ Horebña ma aôm ônac poc tau, go bu êsa gebe lau sênôm.” Mose gêgôm amboac tonañ, ma lau Israel nêñ laumata sêlic. <sup>7</sup> En gê gamêñ tonañ ñaê gebe Masa to Meriba, ñam gebe sêli awen sa gêdêñ Mose to sêsaê Apômtau ña biñ, tañ sêsôm gebe “Apômtau gêmoa gêwiñ aêac me masi.

### *Lau Israel sêjac siñ gêdêñ lau Amelek*

<sup>8</sup> Go lau Amelek sêo lasê ma sêjac siñ gêdêñ lau Israel aña Repidim. <sup>9</sup> Ma Mose kêsôm gêdêñ Josua gebe “Ôjaliñ lau sa ma elen bêbêc asêlêñ naanac siñ êndêñ lau Amelek. Aê tauc jamênğôm Anôtônê tôc najakô gamêñ ñabau.” <sup>10</sup> Amboac tonañ Josua gêgôm biñ, tañ Mose kêsôm gêdêñ en nañ, ñanô kêsa ma gêjac siñ gêdêñ lau Amelek. Ma Mose agêc Aron ma Hur jasêpi gamêñ ñabau tau sêja. <sup>11</sup> Gêdêñ tañ Mose gêôc lêma sa nañ, lau Israel sêjac lau Amelek ñapan. Mago gêdêñ tañ Mose kêlêwan lêma ñasawa

ņagêdô naņ, lau Amelek sêjac lau Israel. <sup>12</sup> Mago Mose lêma gêmac. Amboac tonañ tec Aron agêc Hur sêkôc poc tej mênșêkên Mose gêņgôn ñaô, go êsêagêc sêsip eņ lêma sa. Ñac tej kêkô ñamakenj ma tej kêkô ñamakenj. Tec sêôc Mose lêma tôn ñañêņgenj e oc jakêsêp. <sup>13</sup> Ma Josua gesenj Amelek to nê lau su ña siņ ñamata.

<sup>14</sup> Ma Apômtau kêsôm gêdênj Mose gebe “Oto biņ tonec êsêp buku tej, gebe lau taênj ênam ma ôndônj êndênj Josua e êtu tônj eņ, gebe aê jansenj lau Amelek nêņ waenj aņga umbonj ñalabu su ênaņa samucgenj.” <sup>15</sup> Ma Mose gêboa altar tej sa ma kêsam ñaê gebe “Apômtau kêtû ñoc gêbôm,” <sup>16</sup> ma kêsôm gebe” Lemenj êndênj Apômtaunê gêbôm. Apômtaunê siņ oc ênêc gôlôac togôlôacgenj êtu lau Amalekņa.”

## 18

Mosenê lawa Jetro gêwa lêņ tej sa gêdênj eņ, tec Mose kêjalij lau ñañênj ñagêdô sa têtû mêtôcwaga gebe sêmansañ to sêmêtôc launênj biņ ñasawaņa.

## 19

### *Lau Israel sêmoa Lôc Sinai ñalabu*

<sup>1</sup> Lau Israel sêwi gamênj Aiguptuņa siņ e ñaajônj kêtû têlêac, go sêô lasê gamênj sawa Sinaiņa. <sup>2</sup> Êsêac dêdi aņga Repidim ma sêsêlênj e sêô lasê gamênj sawa Sinaiņa ma sê nêņ bec aņga gamênj sawa tonañ sêņgônj sêkanônj lôc tau. <sup>3</sup> Ma Mose kêpi lôc gêdênj Anôtô gêja. Ma Apômtau awa gêjac eņ aņga lôc ma kêsôm gebe “Ôsôm biņ amboac tonec êndênj Jakobnê gôlôac to ôkênj ñawae êndênj lau Israel gebe <sup>4</sup> Amac taôm alic gêņ, taņ gagôm gêdênj lau Aiguptu.

Amac alic, gebe aê kabalan amac amboac momboan kêbalan njalatu sêngôn nê magê njaô, ma kajon amac adên aê amên. <sup>5</sup> Amboac tonan amac embe tanem wamu aê aoc ma ajop noc poac, go atu aê tauc noc gên anga lau nomna samob nê, gebe nom samucgen njatau aê. <sup>6</sup> Amac oc atu noc gamên kinja njadabuŋwaga to atu noc lau dabuŋ m ten. Biŋ tau tonan aôm ôsôm êndên lau Israel.”

<sup>7</sup> Amboac tonan Mose gêdên lau gêja ma gêmôêc êsêacnên laumata ma kêkên biŋ samob, taŋ Apômtau kêjatu en nan, njawae gêdên êsêac. <sup>8</sup> Go lau samob sêlôc selenjen ma sêsôm gebe “Biŋ samob, taŋ Apômtau kêsôm nan, aêac abe anôm njanô êsa.” Ma Mose gêjac miŋ launên biŋ tonan gêdên Apômtau. <sup>9</sup> Ma Apômtau kêsôm gêdên Mose gebe “Ôlic acgom, aê jandên aôm jawac jamoa tao majan njalêlôm. Ma embe jasôm biŋ êndên aôm, go lau sênô ma sêkên êwiŋ aôm enden tônjen.”

Ma Mose gêjac miŋ launên biŋ gêdên Apômtau. <sup>10</sup> Ma Apômtau kêsôm gêdên Mose gebe “Ôndên lau ôna ma ôsôm êndên êsêac gebe sênam dabuŋ taun êndên galoc ma elenja. Êsêac sêkwasiŋ nê njakwê, <sup>11</sup> ma êndên bêc êtu têlêacŋa êsêac sêmansan taun e êmbacnê, gebe êndên bêc êtu têlêacŋa tonan aê Apômtau jasêp lôc Sinai jawac ma lau samob sêlic. <sup>12</sup> Ônac belo êngi lôc auc êtu madiŋ ma ôsôm êndên lau gebe ‘Ajop taôm gebe api lôc tau atom ma amoasac namadiŋ tau atom. Nac, taŋ êmoasac lôc nan, senseŋ en su ênaŋa. <sup>13</sup> Lau ten lemeŋ sêmoasac en atom. Êsêac oc têtuc en nja poc me sêpê en êndu. Bôc me namalac, taŋ sêmoasac lôc nan, sêmoa atom,

sênaņa. Êndêņ taņ dauc êtaņ ê têt baliņģeņ naņ, êsêac sêpi lôc sêmêņ.”

<sup>14</sup> Amboac tonañ Mose kêsêp anģa lôc gêdêņ lau gêja ma kêsôm gêdêņ êsêac, gebe sênam dabuņ tauņ. Ma êsêac sêkwasiņ nêņ ņakwê. <sup>15</sup> Ma eņ kêsôm gêdêņ lau gebe “Amansaņ taôm e êmbacnê êndêņ bêc êtu têlêacņa ma andambiņ lauo atom.”

<sup>16</sup> Gêdêņ bêc kêtũ têlêacņa ņabêbêcģeņ naņ, wapap gêjac to ôsic kêkac ma tao majañ teņ kêkôm lôc auc. Ma dauc kêtaņ kapôêņ e lau samob, taņ sêņģôņ gamêņ becņa naņ têtêņêp. <sup>17</sup> Go Mose gêwê lau sêsa anģa gamêņ becņa sêja gebe sêpuc Anôtô têtôt. Ma êsêac sêkô lôc tau ņalabu. <sup>18</sup> Jadauņ kêkôm lôc Sinai auc gebe Apômtau kêsêp lôc gêmêņ gêmoa ja ņalêlôm. Ma jadauņ kêpi kêtôm ja ģeņ oba ma lôc kêwiwic tau ņasec. <sup>19</sup> Dauc kêtaņ kêtũ kapôêņ-kêtũ kapôêņ e ņadiņđiņ sec. Ma Mose kêsôm biņ, go Anôtô gêjô eņ awa ņa wapap. <sup>20</sup> Ma Apômtau kêsêp lôc Sinai ņatêpôê gêmêņ. Ma Apômtau gêmôêc Mose gebe êpi lôc ņatêpôê êna, ma Mose kêpi gêja. <sup>21</sup> Ma Apômtau kêsôm gêdêņ Mose gebe “Ôsêp ôndêņ lau naôkêņ puc êsêac gebe sêņģêli ņamadiņ êtu sêlic aêņa nec atom. Embe sêņģôm, oc taêsam sênaņa. <sup>22</sup> Ma ôsôm êndêņ dabuņwaga, taņ sêndambiņ aê naņ, gebe sênam dabuņ tauņ amboac tonañģeņ. Embe masi, go aê janac êsêac êwiņ.” <sup>23</sup> Ma Mose kêsôm gêdêņ Apômtau gebe” Lau tau têtôm gebe sêpi lôc Sinai atom, gebe aôm kôjatu gebe ‘Anac belo anģi lôc auc êtu madiņ ma anam dabuņ lôc tau.’ ” <sup>24</sup> Ma Apômtau kêsôm gêdêņ eņ gebe “Ôsêp ôna ma ôkôc Aron agêc api amêņ êtiam. Mago dabuņwaga to lau sêņģêli ņamadiņ êtu sêpi



sêndêñ aê sêmêñña nec atom. Embe sêñgôm, go janac êsêac.”<sup>25</sup> Amboac tonañ Mose kêsêp gêdêñ lau jakêkêñ ñawae gêdêñ êsêac.

## 20

### *Biñsu lemeñ lu*

<sup>1</sup> Ma Apômtau kêsôm biñ samob tonec ñai gebe

<sup>2</sup> “Apômtau, aômñêm Anôtô, aê. Aê gawê aôm kôsa anğa gamêñ Aiguptuña gômôêñ, kôsa anğa andu gêñômaña.

<sup>3</sup> “Ônam sakin anôtôï jaba êwiñ atom, ônam sakin aê taucgeñ.

<sup>4</sup> “Ôñgôm gêñ, tañ gêmoa undambê me gêmoa nom me gêmoa bu, tañ kêpoac nom ñalêlôm nañ, ñateñ ñakatu ênam gêñ tau lanô atom. <sup>5</sup> Owec êndêñ gwam tonañ to ônam sakin gêñ tau atom, gebe aê Apômtau, aômñêm Anôtô, gajob ñoc lau gebe têtac êwiñ aê taucgeñ nec. Aê jakêñ lau, tañ têtac gedec aê nañ, nêñ geo ñagêjô êpi êsêac latuñi to dêbuñi ma abeñi. <sup>6</sup> Mago aê jakêñ moasin êndêñ lau, tañ têtac gêwiñ aê to sêmasañ aêñoc biñsu nañ, nêñ gôlôac to gôlôac ñêñgeñ êna.

<sup>7</sup> “Ôjain Apômtau, aômñêm Anôtô, nê ñaê atom gebe Apômtau oc êmêtôc ñac, tañ êjain ênê ñaê nañ.

<sup>8</sup> “Taêm ênam sabat gebe dabuñ ma ômansañ ñapep. <sup>9</sup> Êndêñ bêc 6 aôm ônam kôm to ôñgôm nêm gêñ samob. <sup>10</sup> Mago bêc êtu 7ña êtu Apômtau, aômñêm Anôtô, nê sabat. Êndêñ bêc tonañ aôm ônam kôm teñ atomanô. Aôm to nêm latômio to ñac ma nêm sakin wagao to ñac ma nêm bulimakao to lau jaba, tañ sêñgôñ sêwiñ aôm nañ, anam kôm

teŋ atom amboac tonanŋeŋ. <sup>11</sup> Gebe gêdêŋ bêc 6 Apômtau kêkêŋ undambê to nom ma gwêc to ŋagêŋ samob, taŋ sêmoa mateŋ jali naŋ. Ma gêdêŋ bêc kêtû 7ŋa naŋ, eŋ kêlêwaŋ tau. Kêtû tonanŋa Apômtau gêjam mec sabat tau ma gêjam dabuŋ.

<sup>12</sup> “Otoc tamam agêc tênam sa, gebe ômoa ŋasawa baliŋ anŋa gamêŋ, taŋ Apômtau, aômnmêm Anôtô, êkêŋ êndêŋ aôm naŋ.

<sup>13</sup> “Ônac ŋamalac êndu atom.

<sup>14</sup> “Ôŋgôm gêŋ mockaiŋo to mockaiŋa atom.

<sup>15</sup> “Ônam geŋgeŋ atom.

<sup>16</sup> “Ôŋga biŋ êpi lau wacbaŋ aôm atom.

<sup>17</sup> “Matam katu lau wacbaŋ aôm nêŋ andu atom. Matam katu lau wacbaŋ aôm nêŋ awê to sakiŋwagao to ŋac ma bulimakao to doŋki ma gêŋ ŋagêdô teŋ atom.”

### *Lau têtêc tauŋ*

<sup>18</sup> Lau samob sêsaê wapap gêjac to ôsic kêkac ma dauc kêtaŋ ŋakicsêa to jadauŋ kêsa lôc tau ma têtêc tauŋ e têtênêp ma sêkô jaêcgeŋ. <sup>19</sup> Ma êsêac sêsôm gêdêŋ Mose gebe “Aôm taôm ôsôm biŋ êndêŋ aêac ma aêac akêŋ taŋeŋ. Anôtô embe êsôm biŋ êndêŋ aêac, oc amac êndu.” <sup>20</sup> Ma Mose kêsôm gêdêŋ lau gebe “Atêc taôm atom, gebe Anôtô gêmêŋ gebe ênsaê amac, ec taêm ênam biŋ atêc eŋŋa ŋapaŋ gebe aŋgôm sec atom.”

<sup>21</sup> Gêdêŋ taŋ Mose kêtû gasuc tao majaŋ, taŋ Anôtô gêmoa ŋalêlôm naŋ, lau sêkô jaêcgeŋ.

20:22–23:33 Biŋsu to ŋagôliŋ ŋagêdô kêsêp ŋasêbu tonec. Biŋsu ŋagêdô kêmasaŋ launêŋ lêŋ sêmoasiŋ nêŋ lau jabaŋ êsêacŋa ŋapep. Biŋsu ŋagêdô gêwa

lêḡ tamêtoç lau, taḡ sêgôm sec tokaiḡ-tokaiḡ naḡ, jagêdêḡḡeḡḡa sa. Ḥagôliḡ ḡagêdô kêkanônḡ lau-sêmêtoç-binwaganêḡ kôm. Ḥagêdô kêmasaḡ lêḡ tajô launêḡ gêḡ, taḡ dagôm kêtu sec naḡḡa. Ma ḡagêdô kêjatu om ḡasaḡiḡ to sakiḡ om toê-toê, taḡ lau Israel sêlic kêtôm jalageḡ naḡḡa.

## 24

### *Sêmoatiḡ poac kêtu tôḡ*

<sup>1</sup> Ma Apômtau kêsôm gêdêḡ Mose gebe “Amagêc Aron ma Nadab agêc Abihu ma Israelnêḡ laumata 70 api andêḡ aê amêḡ ma atēḡ mec akô jaêcgeḡ. <sup>2</sup> Mose taugeḡ êtu gasuc aê. Lau ḡagêdô têtū gasuc atom ma lau sêpi sêwiḡ eḡ sêmêḡ atom.”

<sup>3</sup> Go Mose gêdêḡ lau gêja ma kêkêḡ Apômtaunê binḡsu to ḡagôliḡ samob ḡawae gêdêḡ êsêac. Ma lau samob sêlôc sa aweḡ tageḡ gebe “Bin samob, taḡ Apômtau kêsôm naḡ, aêac abe aḡgôm ḡanô êsa.”

<sup>4</sup> Ma Mose keto Apômtaunê bin samob sa. Ma gêdêḡ bêbêc kanucgeḡ eḡ gêdi sa ma gêboa altar teḡ sa kêkô lôc ḡalabu ma gêjac alê poc 12 sa kêtôm lau Israel nêḡ gôlôacmôkê 12. <sup>5</sup> Go eḡ kêjatu lau Israel nêḡ lau wakuc ḡagêdô gebe sêkêḡ daja ma sêmbuc bulimakao kapoac wakuc ma sêkêḡ têtū dawama êndêḡ Apômtau. <sup>6</sup> Ḥadec ḡamakeḡ Mose kêkêḡ kêsêp laclu teḡ. Ḥadec ḡamakeḡ eḡ kêpalip kêpi altar. <sup>7</sup> Go kêkôc poac ḡabuku ma kêsam lasê gêdêḡ lau sêḡô. Ma êsêac sêsôm gebe” Bin samob, taḡ Apômtau kêjatu naḡ, aêac abe aḡgôm ḡanô êsa ma taḡeḡ wamu bin tau.” <sup>8</sup> Go Mose kêkôc dec, taḡ kêpoac laclu naḡ, jakêpalip kêpi lau ma kêsôm gebe “Alic acgom, poac, taḡ Apômtau kêmoatiḡ gêdêḡ

amac kêdaguc biñ samob tonañ ñai nañ, ñadec tau tonec.”

<sup>9</sup> Go Mose agêc Aron ma Nadab agêc Abihu to Israelnêñ laumata 70 sêpi lôc sêja, <sup>10</sup> ma êsêac sêlic Israelnêñ Anôtô. Ma gamên, tañ eñ kêkô nañ, amboac masac pocawa ma ñakêñkêngosu kêtôm undambê tau. <sup>11</sup> Ma Apômtau lêma gêjac lau Israel nêñ kasêga tonañ atom. Êsêac sêlic Anôtô ma señ to sênôm gêñ.

### *Mose gêmoa lôc Sinai*

<sup>12</sup> Ma Apômtau kêsôm gêdêñ Mose gebe “Ôpi lôc ôndêñ aê mênôôn ômoa tonec acgom. Aê gabe jakêñ poc tapa tau êndêñ aôm. Aê kato biñsu to jatu kêsêp gebe lau sêjala.” <sup>13</sup> Amboac tonañ Mose gêdi tonê sakinwaga Josua ma sêpi Anôtônê lôc sêja. <sup>14</sup> Ma Mose kêsôm gêdêñ laumata gebe “Amoa tonec e aêagêc amu amên êtiam. Aron agêc Hur sêmoa sêwiñ amac. Ñac teñ nê biñ teñ embe êlênsôn, go êndêñ êsêagêc êna.”

<sup>15</sup> Go Mose kêpi lôc gêja ma tao kêkôm lôc tau auc. <sup>16</sup> Apômtaunê ñawasi kêsêp lôc gêmên, ma tao kêkôm lôc tau auc kêtôm bêc 6. Gêdêñ bêc kêtû 7ña Apômtau awa gêjac Mose kêsa anga tao ñalêlôm. <sup>17</sup> Gêdêñ tonañ lau Israel sêlic Apômtaunê ñawasi kêtôm ja ñawaô gêlan-gêlan anga lôc ñatêpôê. <sup>18</sup> Ma Mose kêsô tao ñalêlôm jakêpi lôc. Ma eñ gêmoa lôc kêtôm geleñña 40 ma gêbêcauc 40.

## 25

25:1–31:17 Ñasêbu tonec gêwa Lômbec ñadôn to ñakôm ma ñagêñlêlôm samob sa. Gêwa sakin dabuñ ñawaba ma dabuñwaganêñ ñakwê to gêlôn

sa. Nagôlinj sênam mec dabunwagaŋa kêsêp ŋasawa tonanŋ amboac tonanŋen. Binj tonanŋ kêjatu da to takis tokainj-tokainj. Gêŋ samob tonanŋ ŋai gebe ênam lau Israel sa gebe sêkwê nêŋ Lômbec to sênac Lôm tau ŋagêŋlêlôm sa ma sêlic nêŋ om êtôm ŋagôlinŋen.

## 31

### *Bulimakao ŋakatu*

<sup>18</sup> Apômtau gêjac dabinj nê binj gêdêŋ Mose anŋa lôc su, go kêkêŋ binjsu ŋatabele luagêc, poc tapa luagêc, taŋ Anôtô tau lêma keto binj kêsêp nanj.

## 32

<sup>1</sup> Gêdêŋ taŋ lau sêlic gebe Mose kêsêp anŋa lôc gêmêŋ atom e ŋêŋgenj nanj, êsêac sêkac tauŋ sa sêgi Aron auc ma sêsôm gêdêŋ enj gebe “Ajôc, ômansanŋ ma anôtô teŋ, gebe êsêlêŋ êmuŋ aêac. Aêac ajam kauc asagenj gêgôm Mose, ŋac tau, taŋ gêwê aêac anŋa Aiguptu amêŋ nanj.” <sup>2</sup> Ma Aron kêsôm gêdêŋ êsêac gebe “Akôc nêŋm lauo ma latômio to ŋac nêŋ salasa gold su ma ajonj andêŋ aê amêŋ.” <sup>3</sup> Amboac tonanŋ lau samob sêkôc salasa gold su ma sejonj dêdêŋ Aron sêja. <sup>4</sup> Ma enj kêkôc gold tau su anŋa êsêac lemeŋ ma kêpac kêsêp ku e gêwê ma gêgôm bulimakao ŋalatu ŋakatu teŋ. Go êsêac sêsôm gebe “O Israel, nêŋm anôtô, taŋ gêwê aôm anŋa gamêŋ Aiguptunja gômôêŋ nanj, tau tonec.” <sup>5</sup> Aron gêlic gêŋ tonanŋ, go gêboa altar teŋ kêkô ŋakatu tau laŋônêŋma ma kêsôm gebe “Eleŋŋa aêac talic om tatoc Apômtau saŋa teŋ.” <sup>6</sup> Ma êsêac dêdi gêdêŋ bêbêc kanucgenj ma sêkêŋ daja to dawama. Ma lau

sêngôn sic sen to sênôm gêñ ma dêdi sa sebe sêngôm dôa-dôa.

<sup>7</sup> Go Apômtau kêsôm gêdêñ Mose gebe “Ôsêp ôna, gebe nê m lau, tañ gôwê anga Aiguptu sêmêñ nañ, sêgôm taunj têt u sec. <sup>8</sup> Êsêac sêkac taunj su seben anga intêna, tañ kajatu êsêac gebe sêsana nañ. Êsêac sêmasañ bulimakao ñalatu ñakatu tenj ña gold, tañ gêwê nañ, ma tetenj mec to sêkêñ da gêdêñ gêñ tau ma sêsôm gebe ‘O Israel, aôm nê m anôtô, tañ gêwê aôm anga Aiguptu gômôêñ nañ, tau tonec.’ ” <sup>9</sup> Ma Apômtau kêsôm gêdêñ Mose gebe “Aê galic lau tonañ ma kajala êsêac gebe lau gêsuntêkwa ñatonj sec. <sup>10</sup> Amboac tonañ ôwi aê sinj jamoa ñoc taunja, gebe aê têtac ñandanj ñaja êkwanam êsêac. Tagenj aôm, tec jakêñ aôm ôtu lau-m kapôêñ.”

<sup>11</sup> Mago Mose ketenj nê Apômtau Anôtô gebe “O Apômtau, êtu agenña aôm têtmac ñandanj ñaja enenj nê m lau, tañ gôwê êsêac tonaclai kapôêñ ma lêmam ñajana sêsa anga gamêñ Aiguptunja sêmêñ nañ su. <sup>12</sup> Amboac ondoc lau Aiguptu oc sêsôm gebe ‘Kec, enj kêsau êsêacgoc. Enj gêwê êsêac sêsa sêja, gebe ênac êsêac êndu anga lôc to enenj êsêac su anga nom ñagamêñ samob.’ Tec ôwi aôm têtmac ñandanj kapôêñ sinj ma ônam nê m ñalêlôm ôkwi ma ôngôm sec, tañ gobe ôngôm êndêñ nê m lau nañ atom. <sup>13</sup> Taêm ênam nê m sakinwaga Abraham agêc Isak ma Jakob. Aôm kôtôc lêmam kêpi aôm taôm ma kôsôm gêdêñ êsêac gebe ‘Aê gabe jakêñ nê m wakuc têt u taêsam têtôm utitalata umbonj ñalabuña, ma gamêñ samob, tañ gajac mata gêdêñ amac nañ, aê gabe jakêñ êndêñ nê m wakuc êtu êsêacnêñ nomlênsê m endenj têt u genj.’ ” <sup>14</sup> Amboac tonañ tec

Apômtau gêjam nê ñalêlôm ôkwi ma gêgôm sec, tañ gebe êñgôm êndên nê lau nañ atom.

<sup>15</sup> Go Mose kêkac tau ôkwi ma kêsêp anğa lôc gêja. Eñ kékôc biñsu ñapoc tapa luagêc. Apômtau keto biñ kêsêp poc tapa maken-maken, keto kêsêp ñamaken nêmña to muña kêtôm taugen. <sup>16</sup> Anôtô tau gêjam poc tapa tonañ ñakôm, ma biñ tau Anôtô keto. Eñ tau kepen ñatalô kêsêp poc tapa. <sup>17</sup> Gêdên tañ Josua gênô lau sêjam lasê ñakicsêa nañ, eñ kêsôm gêdên Mose gebe “Siñ ñakicsêa kêpi anğa gamên becña.” <sup>18</sup> Mago Mose kêsôm gebe “Tonec wê siñ atom, ma ñacjo sêku êsêac tulu ñatañiboa atom amboac tonanğen. Têtê wê ñaonda tec ganô.” <sup>19</sup> Eñ kêdabiñ gamên becña ma gêlic bulimakao ñakatu to lau têtê wê, tec sep tagen Mose têtac ñandan kêsa ma kêbaliñ poc tapa siñ e popoc anğa lôc ñalabu. <sup>20</sup> Ma eñ kékôc bulimakao ñakatu, tañ êsêac sêmasañ nañ, ma kékên ja gen to kêlêsîm popoc, go kêpalip ñataê kêsêp bu ma kékên gêdên lau Israel sênôm.

<sup>21</sup> Go Mose kêsôm gêdên Aron gebe “Lau tonañ sêgôm asagen gêdên aôm, tec gôgôm êsêac sêwê kain sec kapôên amboac tonañ.” <sup>22</sup> Aron kêsôm gebe “O ñatau, têmtac ñandan êsa atom. Aôm taôm kôjala gebe lau tonañ taên gêjam secgen. <sup>23</sup> Êsêac sêsôm gêdên aê gebe ‘Ajôc, ômansañ ma anôtô ten, gebe êsêlên êmuñ aêac nañ. Aêac ajam kauc asagen gêgôm Mose, ñac tau, tañ gêwê aêac anğa Aiguptu amên nañ.’ <sup>24</sup> Ma aê kasôm gêdên êsêac gebe ‘Lau samob, tañ nên gold gêc nañ, sêkôc su.’ Tec êsêac sêkên gêdên aê, ma aê kabaliñ kêpi ja gêja ma bulimakao ñakatu tonañ mênkêsa.”

<sup>25</sup> Mose gêlic gebe lau têtû meloc ma sesen

ngagôlinj su, gebe Aron gêlôc sa, gebe sêsa lêñ amboac tonañ e nêñ ñacjo sêmajec êsêac, <sup>26</sup> tec eñ jakêkô gamêñ becña ñasacgêdô ma gêmôêc gebe “Asa lau sêsap Apômtau tônia. Asa andêñ aê amêñ.” Ma Lewinê wakuc samob sêkac sa dêdêñ Mose sêja. <sup>27</sup> Ma eñ kêsôm gêdêñ êsêac gebe “Apômtau, Israelnêñ Anôtô, nê binj tau tonec gebe Amac samob ajandinj ômbinjak tosinj, go asêlêñ ana-amêñ-ana-amêñ anga gamêñ becña ñasacgêdô ñasawa ma anac nêñ lasitêwai to nêñ lau ôlim andañ ma lau wacbanj amacña êndu.” <sup>28</sup> Lewinê wakuc sêgôm kêtôm Mosenê binj kêjatu êsêac. Ma gêdêñ bêc tonañ lau amboac 3,000 sêjaña. <sup>29</sup> Ma Mose kêsôm gebe” Ocsalô tonec amac akêñ latômi to nêñ lasitêwai sêjô mec dabunwagaña gebe anam sakinj Apômtau, gebe eñ ênam mec amac êndêñ bêc tonec.”

<sup>30</sup> Nageleñ Mose kêsôm gêdêñ lau gebe “Amac agôm sec kapôêñ. Galoc aê gabe japi jandêñ Apômtau jana. Moae jatôm gebe jaê wama eñ, gebe êsuc nêñ sec ôkwi.” <sup>31</sup> Amboac tonañ Mose gêmu gêdêñ Apômtau gêja ma kêsôm gebe “Ojae, lau tonañ sêgôm sec kapôêñanô. Êsêac sêmasañ nêñ anôtô jaba ña gold. <sup>32</sup> Mago galoc aê jateñ aôm, gebe ôsuc êsêacnêñ sec ôkwi. Embe masi, go jateñ aôm, gebe onseñ ñoc ñaê anga nêñ buku, tañ koto nañ, su.” <sup>33</sup> Apômtau gêjô Mose awa gebe” Lau samob, tañ sêgôm sec gêdêñ aê nañ, oc jansenj êsêacnêñ ñaê anga ñoc buku su. <sup>34</sup> Galoc ôna ma ôwê lau sêna gamêñ, tañ kasôm ñabinj gêdêñ aôm nañ. Ôlic acgom, ñoc anjela êsêlêñ êmunj aôm. Mago êndêñ ñanoc janac êsêac kêsina, oc jakêñ ñagêjô êjô nêñ sec.”



<sup>35</sup> Ma Apômtau kékêñ gêmac sec teñ gêdêñ lau kêtú teten mec gêdêñ bulimakao ñalatu, tañ Aron kêmasaan nañ.

## 33

### *Jatu sêwi gamêñ siñña*

<sup>1</sup> Go Apômtau kêsôm gêdêñ Mose gebe” Ôndi, ôwi gamêñ tonec siñ, aôm to lau, tañ gôwê êsêac sêsa anğa gamêñ Aiguptuña sêmêñ nañ. Asêlêñ e aô lasê gamêñ, tañ katôc lemoc gêdêñ Abraham agêc Isak ma Jakob ma kasôm gebe ‘Aê gabe jakêñ nom tonec êndêñ nêw wakuc.’ <sup>2</sup> Aê gabe jasakiñ ñoc anjela teñ êsêlêñ êmuñ aôm ma jajanda lau Kanaan to Amor ma lau Het to Peres ma lau Hib to Jebus gebe sêwi gamêñ tau siñ. <sup>3</sup> Api gamêñ, tañ su to lêp keselen nañ. Mago aê tauc japi jawiñ amac atom. Embe jawiñ amac, oc moae jansen amac su anğa intêna anaña, gebe amac lau gêsômtêkwa ñatoñ.”

<sup>4</sup> Gêdêñ tañ lau sêñô biñ ñawapac tonañ nañ, êsêac têtan lasê ma ñac teñ gêjam gêlôñ tau atom, <sup>5</sup> gebe Apômtau kêsôm gêdêñ Mose gebe “Ôsôm êndêñ lau Israel gebe ‘Amac lau gêsômtêkwa ñatoñ. Aê embe japi jawiñ amac êndêñ ñasawa dambêgen oc janac amac eb tagen anaña. Amboac tonañ akôc nêw gêlôñ su, ec jajala gebe aê jañgôm amac amboac ondoc.’ ” <sup>6</sup> Amboac tonañ lau Israel sêkôc nêñ gêlôñ su anğa lôc Horeb ma sêsêlêñ ñaômagenñ.

### *Becobo sêkac saña*

<sup>7</sup> Ma Mose kêkôc becobo elêmê ma gê bec tau kêkô jaêc gamêñ, tañ bec ñagêdô kêkô nañ. En kêsam becobo tau gebe Becobo takac saña. Lau teñ

embe sensom Apômtau, go sêsa sêna becobo sêkac tauņ saņa, taņ kêkô jaêc gamêņ, taņ bec ņagêdô kêkô naņ. <sup>8</sup> Elêmê embe Mose êsa êndêņ becobo tau êna, go lau samob sêndi sa sêkô nêņ bec ņakatom ma materņ êndiņ Mose ņapaņ e êsô becobo ņalêlôm êna. <sup>9</sup> Mose embe êsô becobo ņalêlôm êna su, go tao majañ êsêp êmêņ êkô becobo tau ņasacgêdô. Ma Apômtau ênam biņgalôm êwiņ Mose. <sup>10</sup> Lau embe sêlic tao majañ êsêp êmêņ êkô becobo tau ņasacgêdô, go samob sêndi ma tetetņ mec êndêņ Apômtau aņga nêņ bec ņasacgêdô êndêņ-êndêņgeņ. <sup>11</sup> Amboac tonañ Apômtau gêjam biņgalôm gêwiņ Mose agêc laņõņanô gêdêņ tauņ amboac ņac tetņ, taņ gêjam biņgalôm gêwiņ nê ņac ôli andañ eņņa. Ma gêdêņ taņ Mose gêmu gêja gamêņ, taņ becobo ņagêdô kêkô naņ, nê sakiņwaga gêwi becobo tau siņ atom. ņac wakuc tau Nun latu Josua.

*Apômtau gêjac mata gebe êmoa êwiņ lau*

<sup>12</sup> Go Mose kêsôm gêdêņ Apômtau gebe “Ôlic ac-gom, aôm taôm kôsôm gêdêņ aê gebe ‘Ôwê lau tonec sêpi sêna.’ Mago aôm kôsam ņac, taņ gobe ôsakiņ êwiņ aê naņ, nê ņaê lasê gêdêņ aê atom. Mago aôm kôsôm gebe ‘Aê kajala aômñem ņaê ma aôm gôjac matocanô ņajam. <sup>13</sup> Amboac tonañ galoc aê jateņ aôm gebe aê embe janac matamanô ņajam, go ôtôc nêem intêna êndêņ aê e jajala aôm êtu tôņ ma janac matamanô ņajam. Ma taêm ênam tonec êwiņ gebe lau-m tonec têtü aômñem laugac.” <sup>14</sup> Ma Apômtau kêsôm gebe “Aê tauc oc jasêlêņ jawiņ aôm ma jakêņ aôm ôlêwan taôm.” <sup>15</sup> Ma Mose kêsôm gêdêņ eņ gebe “Aôm taôm embe ôsêlêņ ôwiņ aêac atom, go ôsakiņ aêac awi gamêņ tonec siņ ma api

ana atom. <sup>16</sup> Aôm embe ôsêlêñ ôwiñ aêac atom, go ajala amboac ondoc gebe aê to ñoc lau ajac aôm matamanô ñajam. Aôm embe ôsêlêñ ôwiñ aêac, go êwaka aê to nêñ lau sa êndêñ lau nomña ñagêdô samob.”

<sup>17</sup> Ma Apômtau kêsôm gêdêñ Mose gebe “Biñ tecenan, tañ aôm kôsôm nan, aê oc jañgôm ñanô êsa, gebe aôm gôjac aê matocanô ñajam ma aê kajala aômñêm ñaê sugac.” <sup>18</sup> Mose kêsôm gebe “Aê jaten aôm gebe oc nêñ ñawasi lasê êndêñ aê.” <sup>19</sup> Ma Apômtau kêsôm gebe “Aê gabe jakêñ ñoc ñawasi êô lasê aôm lañômñêmña ma jasôm ñoc ñaê lasê êndêñ aôm ôñô. Ñoc ñaê gebe Apômtau. Ma oc jamoasiñ ñac, tañ gabe jamoasiñ eñ nan, to taêc walô ñac, tañ gabe taêc walô eñ nan.” <sup>20</sup> Ma kêsôm teñ gebe “Mago aôm ôtôm gebe ôlic aê lañôcanô atom, gebe ñac, tañ êlic aê nan, oc êmoa mata jali atom.” <sup>21</sup> Ma Apômtau kêsôm gebe “Ôlic acgom, ñasawa teñ tec gêc kêdabiñ aê. Ôpi mênjôkô poc kapôêñ ñaô. <sup>22</sup> Ma êndêñ aôm ôkô poc ñasawa ma jañgandê aôm auc ña lemoc e jaôc lêlêc aôm su acgom, <sup>23</sup> go jakôc lemoc su e ôlic dêmôêctêkwa, mago ôlic lañôcanô atom.”

## 34

### *Poc tapa kêtû luagêcña*

<sup>1</sup> Go Apômtau kêsôm gêdêñ Mose gebe “Ôpa poc tapa luagêc êtôm ñamataña, go jato biñ, tañ kato kêsêp poc tapa ñamataña, tê kôtuc popoc nê, êsêp poc tapa tonec amboac tonanğen. <sup>2</sup> Ômansañ taôm êndêñ elen bêbêcğen. Ma elen bêbêcğen ôpi lôc Sinai ômôêñ ma ôtôc taôm êndêñ aê anğa lôc tau ñatêpôê. <sup>3</sup> Ñac teñ êpi êwiñ aôm atom

ma tenj êmoa lôc ñagala atom. Domba to buli-makao sêniñ gêgwanj sêmoa lôc ñagala atom amboac tonanjen.”<sup>4</sup> Amboac tonanjen Mose kêpa poc tapa luagêc kêtôm poc tapa ñamataña. Ma gêdênj bêbêc kanucgenj enj gêdi jakêpi lôc Sinai kêtôm Apômtau kêjatu enj, ma kêkôc poc tapa luagêc gêwiñ.<sup>5</sup> Ma Apômtau kêsêp gêmênj gêmoa tao ñalêlôm e kêkô jabanjen Mose. Ma Mose awa gêjac Apômtaunê ñaê.<sup>6</sup> Go Apômtau jakêlêlêc enj gêja ma gêmôêc gebe “Apômtau, Apômtau, enj Anôtô, moasiñ to taê walô ñatau, enj têtac ñandanjen sebenjen atom. Enjen ñac tolêlôm têtac gêwiñ ñamalacña to ñac biññanônja.”<sup>7</sup> Enjen têtac gêwiñ lau 1,000 to 1,000 to kêsuc êsêacnênjen geo to sêgêli biñña ma sec ôkwi. Mago enjen kêmêtôc lau geo amboac tonanjenjen ma kêkênjen tamenjen sêgêli biñjen ñagêjô kêpi latunjen to dêbuñjen ma abenjen to nêñ gôlôac.”<sup>8</sup> Go Mose gewec sebenjen to ketenjen mec gêdênjen Apômtau<sup>9</sup> ma kêsôm gebe “O Apômtau, aê embe janac aôm matamanô ñajam, go jatenjen ñoc Apômtau aôm, gebe ôsêlênjen ômoa aêac ñalêlôm ôwiñ. Biññanôn, êsêac lau gêsuntêkwa ñatonjen, mago ôsuc aêac agêli biñjen to ma sec ôkwi ma ôkôc aêac sa atu nêmen gênjen.”

### *Poac ñakôninjen*

<sup>10</sup> Ma Apômtau kêsôm gebe “Ôlic acgom, aê jamoatiñ poac tenjen. Aê oc janğôm gênjalô nêmen lau samob sêlic. Gênjalô amboac tonec kêsa anja nom ñagamênjen to anja lau-m tenjen atomanôn. Ma lau samob, tanjen sêwiñ aôm nanjen, oc sêlic gênjen, tanjen Apômtau ênğôm nanjen. Ma gênjen, tanjen gabe janğôm êndênjen aôm nanjen, gênjsêga kaiñ tenjen.

<sup>11</sup> “Ojop biñjen, tec galoc jajatu aôm nec. Ôlic acgom, aê jajanda lau Amor to Kanaan ma lau Het

to Peres ma lau Hib to Jebus sêc sêna. <sup>12</sup> Ôlic taôm gebe ômoatiŋ poac ôwiŋ lau, taŋ sêŋgôm gamêŋ aôm ô lasêŋa naŋ atom. Embe ôŋgôm, go êtu nêŋ lakô. <sup>13</sup> Ônsêlô êsêacnêŋ altar su to ôsap nêŋ alê poc tulu ma ôtuc nêŋ anôtônê ŋakatu popoc. <sup>14</sup> Aôm oteŋ mec êndêŋ anôtô jaba teŋ atom, gebe Apômtau eŋ Anôtô, taŋ gêjam lêmuŋ nê lau gebe têntac êwiŋ eŋ taugen naŋ. Ênê ŋaê gebe Aê gajob ŋoc lau têntac gêwiŋ aêŋa. <sup>15</sup> Ôlic taôm, gebe ômoatiŋ poac ôwiŋ lau gamêŋ tônêŋa atom. Êsêac embe sêŋgôm mockaiŋŋa êndêŋ nêŋ anôtô to sêkêŋ da êndêŋ nêŋ anôtô, oc moae sêkalem aôm gebe ôniŋ da ôwiŋ êsêac, <sup>16</sup> ma aôm oc moae ôjaliŋ nêŋ latuŋio sa gebe sênam latômi. Ma êsêac latuŋio embe sêŋgôm mockaiŋo êndêŋ nêŋ anôtô, oc sêlêtôm aôm latômi gebe sêŋgôm mockaiŋ êndêŋ êsêacnêŋ anôtô amboac tonanŋeŋ.

<sup>17</sup> “Ôpac ki êwê ma ômansaŋ anôtô jaba atom.

<sup>18</sup> “Ôlic Om Polom ŋalucŋa ŋapep. Êndêŋ bêc 7 aôm ôniŋ polom ŋaluc êtôm kajatu aôm naŋ. Ôniŋ êndêŋ ŋanoc. taŋ kakêŋ gêdêŋ aôm naŋ, êndêŋ ajôm Abib, gebe gêdêŋ ajôm Abib tau tonan aôm gôwi Aiguptu siŋ. <sup>19</sup> ŋamêc samob têtû aêŋoc gêŋ, aôm nêŋm bôc kapoac ŋamêc samob, nêŋ bulimakao to domba kapoac ŋamêc. <sup>20</sup> Donki ŋamêc, naŋ ônac da ŋa domba ŋalatu. Embe ondec gebe ônac da gêŋ tau atom, go ôpôm gêsutêkwa tulu. Ma ônac da nêŋ latômi ŋamêc samob. Ma ŋac teŋ êo lasê aê tolêma sawa atom.

<sup>21</sup> “Ônam kôm êndêŋ bêc 6, mago êndêŋ bêc êtu 7ŋa ôlêwaŋ taôm. Ôlêwaŋ taôm êndêŋ bêc tonan êndêŋ têm ôkac nom ôkwiŋa ma êndêŋ têm ojon

kômñanô saña amboac tonanğen. <sup>22</sup> Aôm ôlic Om Wokenja êndênj noc ôniñ gênj lasêña. Ma êndênj jala ñabêc ñamuña aôm ôlic Om Ojonj Kômñanô saña. <sup>23</sup> Nêm ñacwaga samob sêô lasê sêkô aê Apômtau Anôtô, tañ katu Israelnêj Anôtô nañ, lañôcnêmña êtu dim têlêac êtôm jalagenj. <sup>24</sup> Aê oc jajanda lau tomôkê-tomôkê sêc su ma aê jañgôm nêm gamênj esewec êtu kapôênj. Ma êndênj tañ ôpi ôna ô lasê ôkô aê Apômtau, aômñêm Anôtô, lañôcnêmña êtu dim têlêac êtôm jalagenj nañ, ñac teñ oc êjañgo nêm gamênj su atom.

<sup>25</sup> “Ôkênj polom tojist êwiñ daja ñadec atom. Ma Om Pasa ñada ñagêdô ênêc e eleñña atom. <sup>26</sup> Ôkôc nêm kôm ñamêc ñajamanô tau ôndênj aê Apômtau, aômñêm Anôtô, ñoc andu ôna. Ono domba ñalatu ña tênanê su atom.” <sup>27</sup> Ma Apômtau kêsôm gêdênj Mose gebe “Oto biñ tonañ sa gebe biñ tonañ kêtü poac, tañ kamoatiñ gêdênj aôm to Israel nañ, ñagôliñ.” <sup>28</sup> Ma Mose gêmoa gêwiñ Apômtau gelenña 40 ma gêbêcauc 40. Eñ geñ mo atom to gênôm bu atom. Ma eñ keto poac ñabiñ kêsêp poc tapa, eñ keto biñsu lemeñ lu.

### *Mose kêsêp anğa lôc gêmênj*

<sup>29</sup> Gêdênj tañ Mose kêsêp anğa lôc Sinai gêmênj nañ, eñ kêkôc biñsu ñapoc tapa luagêc. Ma gêdênj tañ eñ kêsêp anğa lôc gêmênj nañ, kêjala tau gebe lañôanô ñawasi kainj teñ nec atom. Eñ lañôanô ñawasi kainj teñ tonañ ñam gebe eñ gêjam biñgalôm gêwiñ Apômtau. <sup>30</sup> Gêdênj tañ Aron to lau Israel samob sêlic Mose nañ, tec sêlic lañôanô ñawasi kainj teñ ma têtêc gebe nasêndambiñ eñ atom. <sup>31</sup> Mago

Mose kêkalem êsêac, tec Aron to gôlôacnêḡ lau-  
mata samob sêmu dêdêḡ eḡ sêḡa, ma Mose gêḡam  
biḡgalôm gêwiḡ êsêac. <sup>32</sup> Tonanḡ su, go lau Israel  
samob têtû gasuc eḡ ma eḡ kêkêḡ biḡsu samob, taḡ  
Apômtau kêsôm gêdêḡ eḡ aḡga lôc Sinai nanḡ, gêdêḡ  
êsêac. <sup>33</sup> Mose kêsôm biḡ gêdêḡ êsêac su, go kêkêḡ  
obo lala teḡ gêsanḡ laḡôanô auc <sup>34</sup> Kêtôm têm samob,  
taḡ Mose kêsô bec gêdêḡ Apômtau gêḡa gebe ênam  
biḡgalôm êwiḡ eḡ nanḡ, eḡ kêkac obo lala su e gêmu  
kêsa kêtiam. Ma gêdêḡ taḡ kêsa gêmêḡ nanḡ, eḡ gêḡac  
miḡ biḡ, taḡ Apômtau kêḡjatu nanḡ, gêdêḡ lau Israel.  
<sup>35</sup> Ma lau Israel sêlic Mose laḡôanô gebe ḡawasi kainḡ  
teḡ. Go Mose gêsanḡ laḡôanô auc ḡa obo lala ḡapanḡ  
e gêmu kêsô gêḡa kêtiam gebe ênam biḡgalôm êwiḡ  
Apômtau.

## 35

35:1–40:16 Lau Israel sêkêḡ nêḡ da gebe sêkwê  
Lômbec sa ma sêmansanḡ Lômbec ḡagêḡḡlêlôm. Kôm  
tau kêsêlêḡ kêtôm Anôtô kêḡjatu gêdêḡ Mose gebe  
sêkwê Lômbec tau sa ma sênac kawî.

## 40

### *Sêkwê lômbec sa*

<sup>17</sup> Gêdêḡ jala kêtû luagêcḡa ḡaajônḡ ḡamataḡa  
ḡabêc ḡamataḡa êsêac sêkwê lômbec tau sa. <sup>18</sup> Mose  
kêkwê lômbec sa. Eḡ kêkêḡ nombanḡ to kêmasanḡ  
sagintêkwa ma kêkêḡ budenḡ gêsac ḡaô ma kêkwê alê  
ḡalêlômḡa. <sup>19</sup> Go gê obo kêpi lômbec tau ma kêmasanḡ  
obo teḡ gêsac ḡaô kêtû salôm, kêtôm Apômtau kêḡjatu  
eḡ. <sup>20</sup> Go Mose kêkôc poc tapa ma kêkêḡ kêsêp kat-  
apa poacḡa. Su, go kêmasanḡ katapa ḡata ma kêkêḡ  
ḡagadê gêsac katapa tau ḡaô. <sup>21</sup> Ma eḡ kêkôc katapa

kêsô lômbec gêja ma kêkêñ obo baliñ geñkaleñ gêsañ katapa poacña auc, kêtôm Apômtau kêjatu eñ.

<sup>22</sup> Go ketoc tebo kêkô bec sêkac taun saña. Tebo tau kêkô obo baliñ nêmña kêkanôñ gamêñ gêmu kêpiña, <sup>23</sup> ma kêdênañ polom, tañ sêkêñ gêdêñ Apômtau kêtû da nañ, gêsac tebo ñaô, kêtôm Apômtau kêjatu eñ. <sup>24</sup> Ma eñ ketoc jakaiñ kêkô bec sêkac taun saña ñalêlôm, kêkô tebo ñamakeñ kêkanôñ lômbec ñagamêñ gêmu kêsêpña, <sup>25</sup> go kêkêñ ja ñalêsi kêkô Apômtau lañônêmña, kêtôm Apômtau kêjatu eñ. <sup>26</sup> Go ketoc altar gold kêkô obo baliñ ñalêlôm aña bec sêkac taun saña tau. <sup>27</sup> Go kêkêñ ja geñ gêñ ñamalu, tañ gêsac altar ñaô nañ, kêtôm Apômtau kêjatu eñ. <sup>28</sup> Go kêkêñ obo baliñ geñkaleñ lômbec ñasacgêdô. <sup>29</sup> Ma ketoc altar dajaña kêkô bec sêkac taun saña tau ñakatam nêmña ma kêkêñ daja to da gêñ kêpuc ñamalac ôliñ tônia gêsac ñaô, kêtôm Apômtau kêjatu eñ. <sup>30</sup> Go ketoc laclu kapôêñ kêkô bec sêkac taun saña to altar ñasawa ma kêkêñ bu kêsêp êtu sêkwasiñ lemeñ to eñkaiñ ña bu tau tonañ. <sup>31</sup> Mose ma Aron to latui sêkwasiñ lemeñ to eñkaiñ ña bu tau tonañ. <sup>32</sup> Kêtôm têm samob, tañ êsêac sêsô bec sêkac taun saña to sêndambiñ altarna nañ, sêkwasiñ taun, kêtôm Apômtau kêjatu Mose. <sup>33</sup> Ma eñ gêjac balañ malacluñ to lômbec ma altar auc ma kêkêñ obo geñkaleñ malacluñ ñasacgêdô amboac tonañ. Tec Mose gêjac dabiñ nê kôm tau.

### *Tao gêsañ lômbec auc*

<sup>34</sup> Go tao gêsañ bec sêkac taun saña auc ma Apômtaunê ñawasi gêjam lômbec ñalêlôm auc. <sup>35</sup> Ma Mose kêtôm gebe êsô bec sêkac taun saña êna atom, gebe tao kêkôm auc ma Apômtaunê ñawasi gêjam



lômbec ñalêlôm auc. <sup>36</sup> Kêtom têm samob, tañ lau Israel sêsêlêñ sêmoa intêna nañ, tao embe êôñ sa aña lômbec, go êsêac sêndi ma sêsêlêñ. <sup>37</sup> Mago tao embe êôñ sa atom, go sêndi sêsêlêñ atom, sêôñ e tao êôñ sa acgom. <sup>38</sup> Kêtom têm samob, tañ lau Israel sêsêlêñ sêmoa intêna nañ, Apômtaunê tao kêkôm lômbec auc gêdêñ gelenña, ma ja gêjam tao auc gêdêñ gêbêc. Israelnêñ gôlôac samob sêlic.

**BIBOLO DABUN**  
**The Holy Bible in the Yabem language of Papua New Guinea**  
**Buk Baibel long tokples Yabem long Niugini**

Copyright © 1980 Bible Society of Papua New Guinea

Language: Jabem (Yabem)

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures. Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2015-01-03

---

PDF generated using Haiola and XeLaTeX on 21 Feb 2024 from source files dated 31 Aug 2023

447e01c5-a375-5452-ae54-b3f890293eeb